


KALUBULA UWA MULUPWA

 Natotela, Munyina Neville. Shikulu akupale. Cisuma nganshi ukubwelela kuno nakabili, muno lucelo, ukubwelela mu ng'anda iyakwa Shikulu. Ndecetekela calandilwe, panshita imo ukutila, “Nali uwansansa lintu batile kuli ine, ‘Natuleya mu ng'anda yakwa Shikulu.’”

Charlie, fuma kunuma yacishintililo, kabili isa kuno nokubula umupando obe. Isa pano. Nkashi, bushe takuliko umupando umo uko, pa ncende imo, apo twingaiyantika? Pano pali incende *pano*, namayo. Isa pano pene. Pano, Charlie, isa pano nokwikalako pali Banks pano pa muulu, tamufwile ukulaiminina. Inshita yonse ulya umulumendo afuma kulya ku Kentucky, esa mukufika pano, aleminina, ulucelo lyonse. Kabili mufwaileni pano pene.

² Paliko incende pano, pa mpela ya cipuna pano, iya muntu umo umbi. [Munyina Neville atila, “Pali namayo kunuma kuno, pamo.”—Kale.] Kuli namayo uwiminine kunuma, kulya kunuma. Isa pano pene. Pali icipuna pano, nkashi, pano pene mupepi. Isa kuno ku ntanshi. Kabili Ndesubila umuntu onse ali mumupando wakukunkulusha kulya. Bushe efyo bali? [Nkashi atila, “Munyina Branham?”] Ee. [“Pali icipuna pano pene.”] Kuli icipuna cimbi kuno *kwine*. Nga cakutila umuntu umo alefwaya cimo, kulya kunuma, kuno *kwine* kuli icipuna. [Munyina atila, “Kabili pano pali cimo, Munyina Branham.”] Pano pali cimo pano pene, pamo, wikalefye bwino palobe. [“Umbi umo, kuno.”] Ee. Kuti wakwata cimo pano pene. Nomba, isa pano, nokwikala pa cipuna. Kabili umfwefye bwino. . .

³ Tulefwaya mwikale bwino ilyo tulesha ukuleta i Cebo cakwa Shikulu. Oh, icine cine cisuma ukuba pano.

⁴ Nshimumwene Charlie pano pa cintamba. Bushe nabwelela kulya kunuma? Ukuba, muleteni kuno. Owe! Naba na Charlie, kuno kwine, munshiku ishinono ishapitapo, tekuti Njikale ukwabala ukuya ku ng'anda yakwe nokulya, eico Nalamuleta kuno ku cintamba, muno lucelo. Cila bushiku ilyo esa pano, alemininako ku cibumba kulya, ukupela umuntu umo icipuna. Eico Nacilolesha muno lucelo nokumumona naiminina kulya, Nacitontonkanya ukutila, “Nala—Nalamubula nokumuleta kuno nomba.” Ukuba, cena—cena cisuma. Nomba twalakwata imbila muno lucelo ukupitila muli Munyina Russell Cox. [Munyina Branham no lukuta baseka—Kale.] Nikwisa ukuli Nellie? Ine. . . Ico calaba icintu icisuma kuli ena. Kwisa? Ee. Ifyo efyo cili.

⁵ Ukuba, Ndi uwansansa ukumona ba cibusa abengi ukwisa. Pa Mulungu wafumineko lintu Naile, Nalyumfwile ububi mu

mulungu onse. Nalikwete cibusa wandi umusuma uwaikele pano, ukufuma kulya ku Masamba, Munyina West. Kabili Naile ndepitana, ukupita mwibumba, ninshi inshita naipwa. Natile, “Ndi uwansansa ukumona *Wakuti-na-wakuti* na *Wakuti-na-wakuti*,” kabili Naloleshe ukupita pamuulu wakwa Munyina West, kabili nshatalile—nshatalile mumona mpaka ilyo natampile ukufuma. Nomba Natontonkenye, umulungu onse ukutila, “Munyina West kuti atontonkanya ukutila Nsha—Nshalefwayafye ukumulolesha.” Lelo ena—ena mwina Kristu, eico ena alishiba bwino ukucila pali ico. Alishiba ukutila Ine . . . cibusa wakwe uwacine. Kabili Ninjishiba ukutila alishiba, Ine tekuti ncite ico.

⁶ Nacilatontonkanya muno lucelo, ukwisa kuno, ukumona abantu abo abafuma muncende ishalekana lekana. Nomba, pano pali Munyina West nabwela nakabili, muno lucelo. Kabili Munyina na Nkashi Kidd bali pano, ukufuma ku Ohio. Nabamo abandi . . .

Ninjishiba Munyina Evans ali pano. Naile mukumumona, mailo mu cungulo kasuba, pang’anda yabeni, lelo Ndetunganya alifye pamo na Munyina Fred nabonse. Kabili bonse bafuma kulya ku Macon, Georgia, ukwisa pano, pa Mulungu onse untu Nshimikila. Bafuma ku Macon, Georgia, kutali uko. Kwena kwaba kwati ba mailoshi imyanda cine konse konse, nangu ukucilapo, Ndesubila, kulya kwine. Ukwensha pamo nolupwa lwakwe, cila bushiku Ndeshimikila. Kabili uko kunakila.

⁷ Kabili Nale—naletontonkanya, oh, nomba, nga cakutila naukwata ifibusa ifyaba ngefyo, ifyo ifingafwaya ukwiminina pamo naiwe! Nomba, cena . . . bena abantu tabesa ukufuma ku Georgia, naku Ohio, nencende shimbi ishalekana lekana ishamura, ukwisa kuli ili hema linono pano, mukumfwa kuli ine. Bena besa pano pantu bacetekela iyi i Mbila. Iyo eyo bacetekela. Bacetekela iyi i Mbila. Kabili nomba ine Mfwile ukuba uwacishinka uwacine pali iyi i Mbila! Pantu, te—teine neka palwandi, Newingaba mucilubo, lelo Ndetungulula umuntu umo umbi mucilubo. Mwamona? Kabili nomba Lesa ali nokunenga ukuba uwashingamwa pacilubo cabo, pantu Nine newafundishe ico. Mwamona?

⁸ Kabili Ndemyeba, cena icine cine cilenga iwe ukutontonkanya mukushika ilyo waya mukutontonkanya pa fintu fimo ifyaba ngefyo. Eico Nde—Ndedetotela umuntu onse muli imwe, cintu cimo icisuma nganshi ukwishiba ukutila imwe kuti mwaensha ba mailoshi imyanda nga iyi, ukupita mu misebo iyabipa nokupita muli iyi imisebo iikalamba icine cine, umo amasanso yapa musebo nefintu ficitika. Iicetekelo cenu muli Lesa ecimitungulula ukupita monse, nangu cingaba ifyo, cimileta kuno nokumibwekeshamo. Tuli abansansa nganshi ukukwata ifibusa ifya musango ngoyo. Napepa amapalo yakwa Lesa ayengi ayasuma ukuba pali imwe.

⁹ Nomba, pa Mulungu wapitile, Na—Natile, “Ukuba, tuli nokulanda, nomba Ndi nokwita umulongo waba kupepelako.” Naleesha ukupanga inshila, iyakwasha ukusanga inshila yakupepelako abantu abengi. Kabili nga cakutula kuti Nakwata abengi nga pa Mulungu wafumineko, Ine . . . umuntu umo ali nokupepelako. Nafumine pano, mupepi na tuu koloko. Kabili Nsha—Nshapele ifitupa fyakupepelapo.

¹⁰ Ukupela ifitupa fyakupepelapo mulimo wakakata. Nshishibe nga cakutula mwalishiba ico, nangu iyo, abantu kuti bakupata. Kabili Munyina Banks Wood, atile, ubushiku bumbi, ilyo twali mulya mu Kentucky, ukutula kuti aipelesha ukupela ifitupa fyakupepelapo nga cakutula Billy teshile. Eico Billy, pakuba umwana wandi umowine, namwishiba, mulandu nshi, bena . . . Ninkwata ba kalata abanono, “Andaile icitupa cakupepelapo tampele. Kwindi munono!” Eico bena . . . Tekuti apele umuntu onse. Kabili teti tukwate abantu abengi mu mulongo! Mwamona? Afwile ancingilila.

¹¹ Kabili—kabili lintu twafumine twaya, mayo fyala wandi atile, “Bill, ufwile wabwasha Billy abwela mulya nefitupa fyakupepelapo, nangu,” atile, “tawakakokole.”

¹² Kabili, eico, lelo apo Napangile icilubo, kutampa ukulingulula, nomba umuntu umo aisa bwela, atila, “Nalilaba, mayo alefwaya ukuti wamupepelako.” Nawishiba ico balebwelela, nikuli kulya ukulingulula, mwamona. Eico, lelo, Nshilebaseka. Naine kuti nacita icintu cimo cine. Mwamona? Kuti nacita . . . Ifwe tuli bantu, kabili ifwe bonse tufwaya ukuba no mweo, kabili tufwaya ukwishiba icakucita. Ifyo efyo twaba . . . Lelo iwe kuti wafika apo nefyo ifintu, iwe, pa cabupe, kabili nomba iwe ulifye uwapwilwa amaka, lintu inshita ishingiri ifyo fyacitika.

¹³ Kabili eico Munyina Banks aciba nokupela ifitupa fyakupepelapo muno lucelo, kabili caciba ukutula Billy acisa munshita ya bushiku. Eico Nacitontankanya ukutula ico cili nokuba icabipa, ukukwata umuntu uwakwata ubwiminishi ubusuma, ifintu ifyaba nga Munyina Wood, ukupela ifitupa fyakupepelapo, nokwita abantu ukwisa pali ena. Ndetontankanya Billy tasakamana. Abafye uwakosa apofye, eico ena aleka caba ifyo fine. Nacilungama.

¹⁴ Nomba—nomba uyu umulungu ukakonkapo Ndi nokuba mu Dallas, muli uyu Cisano aleisa ubushiku, pamusonkano we Shiwi lya Bundapishi. Nga cakutula kuti kwabako abantu abali bonse kulya, Ndi nokuba kulya pali bulya ubushiku bumo mu bushiku, ukulanda ku musonkano wabo. Kabili Ndefwaya ukulanda pe sambililo *Ifya Kwisa Kwi Senge*, Shikulu nga asuminisha.

¹⁵ Kabili nomba, limbi, limbi uyu Umulungu ukakonkapo, ico cili nokuba uyu Umulungu uuleisa, nga cakutula Shikulu

asuminisha. Nomba Nshili uwashininkisha nganshi. Nga cakutila Shikulu asuminisha, Ndefwaya ukubwela nokulanda pe sambililo ilyo Naciba nokulandapo ileelo, *Umwela Muli Kankungwala*. Kabili Naciba nokupepelako abalwele, ileelo. Kabili ico cili umusango wakukalipila ukukalamba ku—ku chalichi pa membu shaciko. Kabili—kabili ilyo tesambililo ilisuma nganshi ilyakulandapo lintu ulefwaya ukwita umulongo wabakupepela. Iwe ufwile wakula icicetekelo ca bantu ku... kwipepo, nakuli Lesa, kabili nokukwata icicetekelo. Eico Naceba Munyina Neville ukubilisha ukutila Ndi nokulanda muno lucelo pesambililo limbi, ukukula icicetekelo mu bantu, kuli Lesa. Amashiwi yambi, ukukalipila abantu pakukana—pakukana sunga amafunde yakwa Lesa. Muli iyi inshila, kukuula abantu abalipo, ukukwata icicetekelo muli Lesa. Mwamona?

¹⁶ Kabili ukubwelela mu muputule wakupepelamo muno lucelo, nangu umuputule wakwambwilamo amashiwi mulya, cibusa wandi umunono uwakale, Munyina Kidd, amakumi cine konse konse nokulandapo, imyaka amakumi cine konse konse, uwikele pano. Imwe mwebengi muleibukisha lintu Nabutukile kuli ena mulucelo lumo, ena aali—ena aali kwati... cali kwati umwaka umo uwapitapo, mupepi nakuli uyo nomba. Alefwa, uwalwalisha nganshi, kabili naba dokota bamupele umulungu umo uwakuba no mweo. Nangu, te mulungu umo, bena... Tali nokuba no mweo mpaka muno lucelo bacimuleta pano, ukufumyako inshiku shitatu isha lucelo. Kabili nomba afikile pa mwanda umo na isano, nangu icintu cimo icaba ngefyo. Acitila, pa nshita iinono iyapitapo, acibwelela pa mwanda umo na makumi yatatu na fibili. Acitila acumfwa kwati mulumendo.

¹⁷ Munyina Kidd, Nshishibe nga kuti waimininako, pakutila abantu bengeshiba untu uyu kashimikila mukalamba aba. Mwamumona ulya. Natutile, “Twatotela Shikulu.” [Ulukuta lwatila, “Twatotela Shikulu!”—Kale.] Umuntu uulefwa kwipwalonda, muli ilya—muli ilya imibele. Ena nakwata nomutemwikwa munono palya. Kutu nafwaya naena aimininako, pamo. Naci... Nkashi Kidd, kuti wanina palya? Nomba, ena... Moneni ifyo aciba uwaangufyanya ukwimininako? Ukucilapo pafyo Ningacita. Lesa apale Munyina na Nkashi Kidd. Leken amapalo yakwa Lesa ayasuma yabe pali... Twatotela, nkashi.

¹⁸ Bena balwisha ukupita mumpili sha Kentucky, ukuninika nokwikila ukupita munshila shamalasha, balitamfiwa, balibasowa, balibapumya, balipakaswa, bekalila pali conse ico bengakwata. Ukulapela amataba ayo bengasanga munshila, pa ncende imo, kabili ukwikalililafye pa Bufumu ubwakwa Lesa. Kabili mukuba nemyaka amakumi cine konse konse iya kufyalwa, mukushimikila i Mbila nsuma, cibe. Nomba, nabakula nganshi balafilwa nokubomba, eico Mpepela pa nsalu ishamapepo nokutuma kuli bena, nabena batwalililepofye—fye

ukushitwala mufipatala nefintu ifyaba ngefyo. Abantu balesa nokushisenda. Nomba, ico caba icine cine mumutima. Bushe teifyo? [Ulukuta lwatila, “Ameni.”—Kale.] Nga cakutila iwe wafilwa ukuya bakumanya, iwe kuti wabatuminafye insalu iya pepelelwa, ngefyo, abantu abakwata icicetekelo. Ico cisuma nganshi.

¹⁹ Munyina Rogers ali mukati pamo, ali pa ncende imo ileelo, ba wishi fyala bakwa Munyina Creech, niba cibusa abasuma saana kuli ine. Ndaya mu ng’anda yakwe kwatifye nga fintu Nja mu ng’anda yakwa Charlie na Nellie na bonse kulya nomba, kabili mulya mu Kentucky. Kabili—kabili naleya kulya nokulunga, inshita yonse, pamo naena. Kabili pano, tapapitile inshita iikalamba, pamyeshi ikumi naitatu iyapitapo, ba dokota bali mubombele. “Nobulwele bwepwalonda, kabili,” atile, “ena nacipwa.”

²⁰ Kabili Natontonkenye ukutila, “Cibusa wandi umusuma uwakale!” Intukushi, mu Bulwi Ubwakubalilapo ubwe Sonde lyonse, ali umuntu uwabulamba, nolupwa lwakwe. Kabili Namubatishe mwi Shina ilyakwa Yesu Kristu imyaka iingi iyapitapo, pakwelelwa kwa membu shakwe, ukwishiba nomba ukutila ena abikilwe mu Mubili wakwa Kristu, kabili ali uwaipékanya ukuya nokukumanya Lesa. Natontonkenye ukutila, “Munyanane umusuma ali nokusela ukuya nomba.” Califye palya pene panuma yacilya icimonwa, nangu ilyo cilya icimonwa tacilaisa kuli ine, palwa Muulu. Kabili nomba Naile mukumupempula, kabili mu muputule mwaishile umukola mfula. Lesa apilibwile ifintu. Ico cali imyeshi ikumi na itatu iyapitapo, kabili acilipo ne leelo pano, aleya nokulya.

²¹ Abulile umusango umo, abulile utubulungwa twamuti wakunwa, utwamocele pamukoshi *apa*. Kabili alaba mu mulongo wamapepo, Ndetontokanya, muno lucelo, naisa. Kabili Ninjishiba ukutila Nacibilisha ico panuma Billy napela kale ifitupa, nangu aleya mukupela, ukwishiba ukutila bena balepela ifitupa fyakupepela. Naebele wishi fyala, cibusa wandi umusuma, Munyina Creech, uku—ukumuleta. Kabili Natontonkenye, nga cakutila Namupusa, nomba Ndi nokumusanga nokumubika muli umo umuputule uwa mapepo pano. Lelo alikwete icitupa cakupepelwapo. Kabili Natile, “Busty, Ndefwaya uye kulya.” Ishina lyakwe ni Everett. Ifwe tumwitafye Busty, mukwipifya. Kabili ena—ena. . . Namwebele, “Fuma nokuya mumulongo waba kupepelwa. Kutu nafwaya ukukupepela ilyo ukusubwa kulipo, pali ico.” Eico Ndafwaya ukukwata. . . Nga cakutila Naishiba ukuti Ine balempelako, Mfwaya umuntu ukuba uwasubwa lintu balempelako.

²² Nomba natwisule muli Baibele yesu, muno lucelo, isuleni mwi Buuku lyakwa Ruti. Nalabelenga Amalembo yamo ukufuma muli ili, ukufuma mwi Buuku lyakwa Ruti. Kabili nomba ilyo tatulapalama kwi sambililo. . . Nga cakutila kuti

Nacitaico, kuti Nafwaya ukulanda pesambililo lyandi muno lucelo, *Kalubula Uwa Mulupwa*. Kabili Nafwaya ukupalamina pali lyena ukufuma mufikomo fine ifyalekana lekana, pa bulubulo.

²³ Nacilatontonkanya, pa Mulungu wafumineko, Naleshimikila pafyo Kristu aishile mukutulubula. Kabili nomba, ileelo, Ndefwaya ukushimikila pa: Bushe Umulubushi ninani? Abashani Ena Kalubula? Kabili, ibukisheni, Umulubushi alubula iwe mukupwililika, lintu Alubula iwe; ukufuma ku membu shobe, ukufuma kubulwele bobo, ukufuma ku fintu fyonse ifyalubana. Ena ni Kalubula.

²⁴ Nomba, iyo tatulapalamina kuli ico, natukonteke imitwe yesu nokulanda kuli Ena, mwipepo. Kabili nomba ne mitwe yesu naikontama, Ndetontankanya nibanga muno lucelo, Mukubapo kwakwe, abo abengafwaya ukwibukishiwa mwipepo, ukupitila mukwimya amaboko yabo nokutula, “Lesu, mwamona... namwishiba icakwipusha candi”? Lesu apale, cila umo.

²⁵ Mwebu mu Myuulu Taata, Ndi nensansa nganshi, ileelo, ukutula kuli Amaka Ayasumbuka ayakalamba, ukwishiba ukutula, Lesu, ukutula kuti twapalamina ukupitila mu Mwana Wakwe, Kristu Yesu, kabili nokukwata u—ubwasuko kucu tuleipusha. Fintu cali mukulongana kwapwile, twalelanda pafyo umuntu aendawike nempapa sha mpaanga nempapa shambushi, kabili ali uwapelebelu, ukulolesha ku Musumba uyo kakula kabili kapanga aali ni Lesu. Ukwishiba nga cakutula bena kuti bapalamina kuli Ena nakabili, nga cakutula kuti basanga apo Aali! Nga fintu Yobo, uwakale, atile, “Nga cakutula Ine kuti naya, nokukonkonsha paciibi Cakwe,” munshila imbi. “Nga kuti Nasanga apo Ena—Ena aikala, kuti Naya ku Ng’anda pamo na Ena, kabili kuti—kuti nalanda kuli Ena, icinso ne cinso.” Lelo takwali inshila ku muntu iyakucita ico, pantu ena alibembwike, kabili aipatwile umwine eka nokuba umweni kuli Lesu.

²⁶ Lelo ukupitila muli ulya Umo umusuma Umo uwaishile nokwisula iya inshila, kabili nokwelela imembu shesu, nokutuleta ku cinso cakwa Lesu, tekuba nga abeni, lelo nga abana abaleisa kuli Wishi wabo. Ukwishiba ukutula Alafikilisha kuli ifwe icakwipusha conse ico twaipusha. Lifundefye limo iyo ilibikilwe, iyo ilili, “Nga cakutula iwe kuti wacetekela.” Uko ekumfwana. Satana alelanda ukutula tekuti ifwe tucetekele, kabili Lesu aletila ifwe kuti twacetekela. Nomba ubulwi epobuli, kabili nobusalo bwesu ukupanga. Munshila yonse iyo ubusalo bwesu bupangilwemo, iyo enshila cili nokubelamo. Kabili cena calilembwa bwino bwino ukutula, “Ifintu fyonse kuti fyacitwa kuli abo abacetekela.”

²⁷ Kabili natucetekela, ileelo, ukwisa, ukupalamina kuli Imwe kububile ubwakwa Lesu wa maka, ukwipusha ukutula Mwalalolesha pafya kwipusha fyesu. Kabili nokuboko konse

ukwa cimishiwa, Namwishiba icili pesamba kwa kulya ukuboko, mu mitima yabo, ico icacila pilibulwa. Pantu cena calilembwa, ukutila, “Imwe mwalishiba ifyaba mukati namatontokanyo ayamu mano, kabili kuti mwalingulula amano.” Kabili twapepa, mwe Lesa, ukutila Mwalaasuka umwabela ifyuma Fyenu kabili ukusenamina Kweni, kucakulomba conse icacilandwa.

²⁸ Kabili kuti twaipusha ileelo, Shikulu, ukutila Mwalangafwilisha, umo uyo uulekabila ukucilapo, limbi, mwibumba; ukwishiba ukutila, ico icibikilwe kuli ine pano, cintu cashitwa no Mulopa wakwa Shikulu Yesu. Kuli, limbi, ababembu abekele pano, abo abali abakakwa nolubembu, ukutila cena calaba icakosa kuli bena, icishinga citwa, mupepi, kuli bena ukufika pa ncende iyakupokelela Kristu, iliyo fye Satana nabakaka mumaka yakwe. Lelo ukwishiba ukutila calilembwa, “Mwi Shina Lyandi bali nokutamfishamo ifiwa.”

²⁹ Kabili ukutupela amaka, Shikulu, ukupitila mukushimikila kwa Cebo, ukutamfya ciwa onse uwa kutwishika nefyakutunganya nomwenso, ukufuma mumitima yabantu namano. Ukutila bonse abo abakakwa nefyakumfwa ububi nefyakutwishika ukuti bengaletwa mu maboko yakwa Kristu. Kabili cena pamo calilembwa, ukuti, “Bali nokubika amaboko yabo pabalwele kabili bali nokundapwa.” Pali bamo pano abena Kristu, kabili balikakwa nengulu isha malwele.

³⁰ Shikulu, mpeni amaka ileelo, aya Mupashi wa Mushilo, ukupususha umulwele onse no muntu onse uwacululuka uuli pano muli cino icikulwa ileelo, ukutila Mupashi wa Mushilo umukalamba asende intanshi mu mutima onse no muntu onse uyo uuli Mukubapo ukwa maka ya Bulesa.

Landeni kuli ifwe ukupitila mu Cebo Cenu. I Cebo Cenu e Cine. Nokukana ishibafye ifyakulanda, lelo ukulolela pa butungulushi ubwa Mupashi bwa Mushilo, ukutila Ena enga tutungulula nokututwala mu Cine conse. Fikilisheni ico, Shikulu. Pokeleleni ubukata kuli imwe Mwebene. Kabili subeni umubomfi Wenu. Kabili i Cebo Cenu calisubwa akale. Twalapela Imwe amalumbo, ilyo Mwalapela ico ku mutima onse, nga fintu tukabila. Mwi Shina ilyakwa Yesu Kristu, twaipusha ico, mu Mwana wakwa Lesa. Ameni.

³¹ Ilyo tatulabelenga, kuti Nalanda ici icakulanda icinono ico Natemwa nganshi:

Nga cakutila naukwata imimana iyo
tawingabuka,
Kabili naukwata impili tawingapiitamo,
Ibukishafye ukutila, Lesa mu Muulu
alikalanshiwa mu fintu ifyo bambi tekuti
bacite.

³² Nalabelenga ukufuma mwi Buuku lyakwa Ruti, chapitala 1.

Nomba caishile fikilishiwa mu nshiku lintu abapingushi baletaka, kwali insala mu calo. Kabili umuntu umo uwaku Bete-lemu yuda aile mukutandala mu calo ca Moabu, ena, nomukashi wakwe, kabili nabana bakwe babili abaume.

Kabili ishina lya mwaume ali ni Elimeleke, kabili . . . umukashi wakwe ali ni Naomi, . . . amashina ya bakwe . . . abana abaume Mahloni na Chilioni, abekashi wamu Ephrathites yaku Bete-lemu yuda. Kabili baishile ku calo ca Moabu, nokwikala kulya.

Kabili Elimeleke, umulume wakwa Naomi alifwile; . . . ashele, na bana bakwe abaume babili.

Kabili baupile abanakashi ukufuma mu banakashi baku Moabu; ishina lya . . . umo ali Orpa, . . . neshina lyaumbi ali ni Ruti: kabili baikele kulya nalimo pa myaka ikumi.

. . . Mahloni na Chilioni bonse babili nabo balifwile; kabili nomwanakashi alishele . . . nomwanakashi ashilwe kubana bakwe babili no mulume wakwe.

Kabili aimine pamo nabanafyala bakwe, ukutula engabwelelamo ukufuma ku calo ca Moabu: pantu ena . . . alyumfwile ukutula mu . . . alyumfwile ukutula SHIKULU apempwile abantu bakwe ukubapela ifyakulya.

Eico afumine kulya kucifulo uko ali nabanafyala babili pamo nankwe; kabili baile munshila ukubwelamo ku calo cakwa Yuda.

Kabili Naomi atile kuli banafyala babili, Bwelelenimo, cila umo abwelelemo ku ng'anda yakwa nyina: kabili SHIKULU amicitile uluse, ifyo mwacitile abafwa, naine pamo.

Kabili SHIKULU afikilishe kuli imwe ukutula mwingasanga ukutusha cila umo mu ng'anda yamulume wakwe. Nomba abatomwene; kabili baimishe amashiwi yabo pamuulu, nokulila.

Kabili batile kuli ena, Icine cine twalabwelela pamo naimwe ku bantu benu.

Kabili Naomi atile, Bwelelenimo, mwebana banakashi bandi: mulandu nshi imwe mwingela pamo naine? bushe kuciliko nakabili abana abaume mwifumo lyandi, ukutula imwe limbi . . . abo . . . kuti baba abalume benu?

Bwelelenimo, mwebana banakashi bandi, kabiyeni mubwekelemo; pantu Ine ninkota ukuti ningakwata u mulume. Nga cakutula Natila, Ninkwata isubilo, nga cakutula Nakwete u mulume pamo buno bushiku, kabili kuti nafyala abana abaume;

Bushe kuti mwalolela pali bena mpaka bena bakakule? bushe kuti imwe mwabalolela bena... bena... ukukana kwata abalume? iyo, mwebana banakashi; pantu nacinkalipa apakalamba pamulandu wenu ukutila ukuboko kwakwa SHIKULU kwaba pali ine.

Kabili basumbwile amashiwi yabo, no kulila nakabili: kabili Orpa atomwene nafyala wakwe; lelo Ruti alambatile kuli ena.

Kabili atile, Mona, cufi munobe nabwelelamo ku bantu bakwe, nakuli lesa wakwe: bwelelamo ukonke cufi munobe.

Kabili Ruti atile, Mwimpapata ukumisha, nangula ukukana mikonka: pantu uko imwe muleya, na Ine eko ndeya; kabili uko imwe muli nokwikala, na Ine eko ndi nokwikala: abantu benu ebakaba abantu bandi, . . . Lesa wenu euli nokaba Lesa wandi:

Uko muli nokufwila, eko na Ine nkafwila, kabili kulya eko Nkashikwa: Shikulu ancitile ifyo, kabili alundeko pamo, nga cimbi kamo imfwa yeka eyo ikatupatukanye. . . imwe na ine.

³³ Ndefwaya ukubika umutwe waici icinono ico tulefwaya ukulandapo muno luelo, ilyo Ndefunda cena, ukwasha ukuleta icicetekelo kuli imwe, ica bulubulo, kabili nefyo bwena bwaba, nefyo bufwile ukupokelelwa. Ndefwaya ukubika umutwe: *Kalubula Uwa Mulupwa.*

³⁴ Nomba, *pakulubula* icili conse, “kubwessha cena pafyo cali.” Icintu cimo ico icaluba, kwati kubika cena mwituka umo bashitishamo ifyakale. Kabili waya nokuya lubula ico, cena cilubulwa nomutengo. Nomba cena caba cipe cobe palobe, panuma wakucilubula. Lelo amafunde yabulubulo, mu Israele, yali nokuba ni palupwa, ukulubula icipe nangu icintu cimo ico icalubile.

³⁵ Ilyashi lyesu liletampa munshita yaba kateka ba Israele, ico icali bapingushi, panuma yamfwa yakwa Yoshua. Kabili nokusanga icikope icisuma ica ici, kubelenga pama chapitala yakubalilapo yasano nangu mutanda ayakwa Samuele wa Cimo, kabili imwe muli—imwe muli nokukwata ilyashi ilya pwililika pali ico.

³⁶ Lelo tufwile twatoloka ukuya kucilefwaika icikalamba ica ico. Ico, panshita imo iyapita, Natampile pali ili i Buuku lyakwa Ruti, kabili cali pamilungu itatu nangu ine, pakupita pali ico. Catampile mwi Buuku ya Kusokolola, panshita imo, kabili casendele umwaka uutuntulu, palwa, kupita muli Ico. Malembo fye ayanono yalekatana pamo nayabiye, mukupwililika, ukupitila muli Baibele. Cena cisuma. Eico, twalishiba Baibele intu yasubwa. Pantu, mufipendo

namunshila yonse, takwaba ifyalembwa fimbi ifyo ifishinga lwishanya palwafiko pa ncende imo.

³⁷ Ili i Buuku lyalembelwe mupepi ne myaka amakana yane ukupitapo, muma Buuku yamuli Baibele. Kabili yalembelwe na bamo... Nindaba bantu banga abalembele. Nacibukisha. Lelo, mumbeleleko uluse. Ndefwaya ukulanda amakumi mutanda nokuya pamuulu, lelo Ine—Ndi—Ndi... Ine limbi kuti nalufyanyapo. [Munyina atila “Amakumi yane.”—Kale.] Amakumi yane. Abaume amakumi yane ebalembele Baibele, mukati ka myaka amakana ukucilanapo, ukwabula ukwishiba umu nomunankwe, nangu ukumona umu nomunankwe, nangu ukubelenga ukukonkana umu nomunanke, miku iingi. Kabili tapali ishiwi limo ilyapusene nelinankwe. Yalisubwa!

³⁸ Nomba, abantu abengi balolesha pali ili i Buuku lyakwa Ruti, nga fintu balanda, “Lyashi lyakutemwa ilya muli Baibele.” Baibele lyashi lyakutemwa. Baibele yonse lyashi lyakutemwa.

³⁹ Te lyashifye Lya kutemwa, lelo Ni kasesema. Talyabafye Ni kasesema, lelo Lyena lyashi lyakale. Talyabafye i—i Lyashi yakutemwa, ilyashi lyakale, kasesema, Ni Lesa Umwine eka. Pantu, “Mukutendeka kwali Cebo, kabili Cebo ali pamo na Lesa, kabili Cebo ali ni Lesa.” Eico, Cebo cakwa Lesa mukulembwa. Ico icifwile capwisha ico, munyina; Lesa mukulembwa. Yehova, ukulembwa mwi Buuku. Kabili tapaba nangu cimo palwa ico lelo musangofye wakulandafye ifya kutunganya, lelo cena mukupwililika e Cine. Icipandwa conse ica Ico, cikobama mu mutima obe. Caba Mulya. Cena e Cine, kabili Lesa ali nokutungilila i Cebo Cakwe.

⁴⁰ Kabili ili ilyashi ilyalembelwe, kabili nafyonse ifyakale ifyalembelwe. Ilyo balepatulula Baibele, abantu aba mushilo, ilyo baleesha ukubika capamo mu Cipangano ca Kale, ili i Buuku lyakwa Ruti elyali limo pama Buuku ayakankala ayo basuminishe. Mulandu nshi? Nga cakutiba lyena lyaba lyashi lyakutemwa, mulandu nshi ico bakalembe bama buuku abakale basumine ili i Buuku ukuba ilyasubwa? Pantu, mwaliba ubusokololo ubwa fiswa muli Lyena. Kabili muli uku ukusokololwa ukwafiswa, iwe kuti waikatamo ubupilibulo ubutuntulu. Bwena kuti bwakuleta mupepi icine cine na Lesa.

⁴¹ Kabili Napepa, no mweo wandi onse muno lucelo, ukutila Lesa alaikata umutima onse, ukwikatwa nganshi, mpaka Alaisokolola Umwine, ifyo fye Aba, muli ili ilyashi; ifyo Aba kuli iwe; ifyo akupokelela Ena. Kabili nalintu pamuku umu wamona ico, cabafye icaanguka, iwe kuti walanda ifyo watalile ukuya pa muulu wa ico. Lelo cena kuti casokololwafye na Mupashi wa Mushilo.

⁴² Nomba, abengi, balabelenga Baibele, balabelenga Yena, baimininakofye nokubelenga ibula, kabili ukubelenga ibula. Tekuti iwe u Cumfwe. Pantu, Caba mu milumbe. Kabili Yesu

atotele Lesa pakucipanga Cena muli iyo nshila. Atile, “Imwe mwafisa Ico ukufuma ku menso ya bamano na basalapuka, kabili nokusokolola Ico ku bana abo abenga sambilila.”

⁴³ Nga fintu ilingi line Nanda. Misisi Branham uwikele kulya kunuma, muno lucelo. Lelo lintu Ndi kufyalo fya kunse, alandembela kalata. Nokutila, “Wemutemwikwa Bill, Ninjikala pano muno nshita ya bushiku, pamo nabana. Ndetontokanya pali iwe.” Kabili atwalililapo nokulemba ico alecita. Lelo Ine—Ine nalimutemwa, kabili Nalimwishiba bwino bwino nganshi, Ine kuti naishiba ico alepilibula. Ndeshiba bwino bwino ico alelanda, mwamona, nangu engalanda ico apa nangu iyo. Mwamona? Pantu, Ndeshiba ico alelandapo. Mulandu nshiabela ifyo? Uko ekwishibana. Twaba umo. Mwamona? Kabili alishiba imibele yandi, Nalishiba iyakwe. Ena tacita . . .

⁴⁴ Ena kuti ekalafye nokundolesha. Kuti namyeba ico alalanda, mwamona, pantu Ine—Ine nalimwishiba ukufika uko. Kabili kuti acita ifyo munshila imoine. Nomba, cinshi icicita ico, kukwata ukushininkisha muli umo nomunankwe. Icitewiko!

⁴⁵ Mailo mulucelo, twalele mubusanshi munshita iyapwa, kabili abana tabaile ku sukulu, kabili twalelanda palwa fintu ifyalekana lekana. Kabili nefyo. . . “Bushe ulupato ni cinshi?”

⁴⁶ Natile, “Ulupato lwalikwete intampilo eico lufwile lwakwata impela. Ukutemwa takwakwata intampilo, eico takwakwata impela. Ulupato lwapakashita. Ukutemwa Muyayaya. Ulupato lulatampa kabili ulupato lulapwa. Ukutemwa takwatala akutampa kabili Takwakatale akupwa.” Mwamona? Kwena kwa Muyayaya.

⁴⁷ Kabili lintu umuntu atemwa umwanakashi nokumupa pantu ena alifye uwayemba, kuli nokuba impela kuli ico. Lelo lintu umwaume asanga umwanakashi untu atemwa, teshibe no mulandu, lelo alimutemwa. Kabili asanga umwaume untu atemwa, temulandu nefyo amoneka. Alimutemwa. Naena alimutemwa. Uyo ecibusu wa Muyayaya mu Bukata. Bena baka- . . . Imfwa nangu icintu icili conse cimbi teti cibapatule, pantu bena bafuma ku Muyayaya. Kabili bafumine, munshita, kabili bali nokubwekelamo ku Muyayaya. Umuyayaya walikila nokwisa ingila mu mubili, uuleitwa inshita, nomba kabili ili nokubwelelamo ku Muyayaya nakabili. Tekuti yonaike.

⁴⁸ Umwanakashi umusuma, bulya ubusuma buli nokupwa, mucine cinefye, imwe kuti mwabupela imyaka iinono. Limbi ileelo kuti aleisunsha pa musebo, umwanakashi umunono uufwele citika, aletuma imyeo iingi kumbo ukucila napa miputule yabwalwa mu calo, lelo ena kuti aisunsha umwine ukuya mu musebo, ukutontokanya ukutila ali *icintu cimo*. Nga fintu Baibele yalanda ukutila, “Bakatongomona imikoshi yabo, ukufwaya, *baletenengela*,” ico icilepilibula balesunsha, “ilyo baleya,” mu bushiku bwa kulekelesha. Ukufikilisha Amalemo,

kabili tabeshibe ico. Kuti baiminina mulubansa, nefyakufwala ifyabipa nabafwala, na baume balelolesha pali bena, kabili tabeshibe. Kuti aba uwa bunjinu kumulume nangu kuli cibusa umulumendo ngefyo engaba, lelo pa Bushiku bwa Bupingushi, ena akasukilapo pakucita ubucende nemyanda ya baume. Mupashi uwaba pali bena, kabili tabaishiba ico. Baibele Itila, “Ubwamba, nimpofu, kabili tabaishiba ico.” Icipandwa ca bulanda cakutila “tabaishiba ico.”

⁴⁹ Lelo bushe mwalitala amwishiba, cilya icilundwa-capangwa bwino, ico Lesa apela ulya umukashana, kuti caba icabola ukufika pali ino nshita pa Mulungu uli nokukonkapo? Ulya umutali, umwaume wafita kabili umusuma tekuti abe nangu cimo lelo ukubafye umwina wafiko, muli uyu Mulungu ukakonkapo. Ico ekutila fyonse fili nokonaika.

Lelo ulya mukati, Lesa, ukutemwa, ekala u Muyayaya. Eico, mufwile ukumona mukati. Bika amenso yobe paca kuloleshapo.

⁵⁰ Nomba, ili lyashi lyatampa necintu cimo muli uyo musango, nga untu wingatemwa, umwanakashi umusuma. Ishina lyakwe lyali ni Naomi. *Naomi* cilepilibula “icisuma.” *Elimeleke* ewali umulume wakwe, cipilibula “ukupepa.” “Ukupepa ukusuma” efyali ulupwa lwakwe. Balikwete umwana umwaume, *Mahloni*, umu uyo uupilibula “amalwele.” Kabili *Chilioni*, umbi, calepilibula “ukunaka, ukumoneka uwabulanda, ubulanda.” Efyali ulupwa.

⁵¹ Kabili kwaishile icipowe mucalo ca Israele. Kabili icilubo cakubalilapo ico umu Yuda apangile, cali, kufuma mucalo. Lesa abapele cilya icalo. Lintu Abrahamu apelwe cilya icalo, Lesa amwebele ukukana fuma muli cilya icalo. Kabili apangile icilubo lintu aile mulya mu Gerar, aponene mubwafya. Umu Yuda tafwile asha Palestine. Iyo e ncende yakwe iyo apelwa.

⁵² Kabili balitamfiwa, ukuya monse mwisonde. Kabili nomba balebwela nakabili. Oh, lyena lyashi limo ilisuma ilyaba ifyo ilyo tukwete apa, muno lucelo. Bena balebwela.

⁵³ Naomi afumine ukuya pamulandu wansala, Naomi na Elimeleke, kabili baile ku Moabu.

⁵⁴ Nomba ukubwelela kulyashi, eico, ilyo mulekutika, mwalaba abakusendapo ifyo cili.

Nomba, Moab- . . . abena Moabu, bafumine mukubalilapo mu mwana wamucani, abo bali bana abanakashi abakwa Loti. Panuma yakubutuka umulilo wamu Sodomu, ukupitila mukusenamina kwakwa Lesa, nomba abana abanakashi balengele wishu ukukolwa kabili baikele pamo naena, nga abakashi. Bafyele abana. Kabili umu pali bena afumine, nokuleta i—icalo ca Moabu, ico icifwile ukuba abena Kristu, lelo bali abasakana mufya busenshi. Kabili, mwamona, ukusha icalo ca bulayo, temulandu nefyo cena cali icabipa, ukuya mukulebela mulya mu calo cimbi, caletele ubwafya.

55 Kabili inshita yonse ilyo uwacetekela afuma pa ncende apo Lesa amupela! Imiku iingi, mufikansa fya calo, uku ukusala ukwisa nefyaba ngefyo, umuntu umusuma kuti aba umuntu umusuma, kabili kuti afumapo pali shilya incende. Kwati nga cilolo umo Naishiba, aminine ukuba mwine mushi wa musumba. Kabili lintu acitile ico, afumine palya pancende yakwe iyabucilolo, kabili Satana ali mucimfishe.

56 Nga cakutila umwina Kristu uuli onse afumapo pali shilya incende nokutila. “Ukuba, Ine nalayafye, munshita ino iya bushiku, ukwikala pamo na balumendo mu muputule wacintu bwingi, pakashita akanono. Tekuti incite ububi. Nshacite icabipa nalanwakofye panono.” Iwe ninshi naufuma pancende shobe. Bwela. Iwe nomba uleibikilafye inshila ya bwafya.

57 “Oh, bonse abashala abakashana balapeepa. Nalaeshafye umo.” Iwe ninshi naufuma pancende shobe. Taufwile ukucita ico. Ikala mu ncende ya ng’anda yobe. Wiesha, “Ukuba, umuntu onse pano, balanjita, ‘Fube fube yakale.’ Balanjita, ‘Uwamifwalile yakale.’” Ikala apo pene, nangu cibe ifyo. Iyo e ncende yobe. Ikala muli Kristu.

58 Naomi, pa mulandu wa cipowe, aile aleenda ukufuma mucalo nokuya ku Moabu, mukufwaya umukate. Talingile ukucita ico, pantu abashala bonse baikele mu Yudaea, mu Betlehemu. Betlehemu cilepilibula, *Betele*, “ing’anda yakwa Lesa,” ing’anda yaku lumbanyamo. Kabili bena baikele mulya.

59 Kabili aendele ukuya pamo nomulume wakwe. Kabili nabana bakwe abaume babili baupile abakashana abena Moabu. Lelo nga cakutila Lesa nalashika icintu cimo ukuti cicitike, cena cili nokucitika nangu cibe ifyo. Uyo wine e mulandu Ine icine cine nacetekela mukumwenwa libela, Lesa ukwishibila libela ifintu.

60 Nomba tulesanga, kulya kwine, imfwa yapumine palupwa, kabili batampileko ukubwelelamo. Yaipeye... Umulumedo alifwile, bonse abalumendo babili balifwile, kabili nawishi afwile. Kabili Ruti atampile ukubwelelamo, na Orpa, na Naomi.

61 Nomba, Ndefwaya ukupashanya, muno lucelo, Naomi, namayo mukalamba, ku chalichi ca Orthodox, ichalichi caba Yuda ica Orthodox. Ruti, umwina Moabu, umwina Fyalo, ukuba i Chalichi cabena Kristu, i Chalichi Cipyaa.

62 Kabili Ndefwaya ukupalamina kuli lyena, mufiputulwa fine ifyalekana lekana, Ruti. Ninenmba apa. Ruti, ukupanga ubusalo bwakwe; Ruti, ukubomba; Ruti, ukutusha; Ruti, ukulambulwa. Ilyo twabwelela pali: Ruti, ukupanga ubusalo; Ruti, panuma yakupanga ubusalo bwakwe, nomba Ruti alabomba; nomba Ruti alatusha; nomba Ruti alambulwa.

63 Nomba, ilyo alebwelelamo munshila, kwaishileba inshita, ena ukuba icakupashanya ca Chalichi, nangu umwina Kristu. Pamo nga, cila umo ukwimininako icalo conse ica bena

Kristu. Bushe namwishiba ico? Imwe, mumicitile yenu, munshila mucitilamo nefyo mucita, mwimininako u Mubili onse uwakwa Kristu. Imwe kuti mwatila, “Lelo Ine ndi membalafye.” Ico tacilesakamika. Lintu mwabula ilyo ishina ilya bwina Kristu, imwe mwimininako Kristu ne Chalichi Cakwe. Imwe mufwile mwaikala kwati ngefyo. Imwe mufwile mwaikala kwati niba shimucindikwa, nga ba namayo. Tamufwile ukutala cita ifintu fya mwisonde, pantu amenso yonse aya mu Muulu napesonde yabikwa pali imwe, ukwimininako cilya icintu cimo. Temulandu nefyo iwe wingaba uwanaka, ifyo iwe wingaba umunono, iminika umutwe obe mukulungama, pantu iwe uli mwina Kristu.

⁶⁴ Nomba, Ruti ali musenshi, alebombela utulubi, kabili ifyo fine efyali na Orpa. Kabili bali pamusebo, balebwelelamo pamo na nafyala. Pantu, alyumfwile, ukutila, mulya mwine mu Betelemu-Yudaea, ukutila Lesa alifumishepo icikuko, kabili abantu balekwata umukate. Ena aikele kulya palwa myaka nalimo ikumi, eico Edersheim atila, “nalimo imyaka ikumi,” kalemba walyashi lyakale.

⁶⁵ Kabili ukubwela, ali uwabulanda (kabili umulume wakwe alifwile, nabana bakwe balifwile), ali pamo nabanafyala babili. Nomba apilibwike, ali, nokulolesha pali bena, kabili atile, “Mulandu nshi mulefwaya ukwila pamo naine? Nomba, imwe tekuti mucite nangu cimo lelo muli nokukwata ubwafya.” Atile, “Munjeleleko ukutila ukuboko ukwakwa Lesa nakutambalikwa ukuma pali ine.”

⁶⁶ Miku inga intu Israele atontonkanya ico, ukukana ishiba ukutila conse cali butantiko bwakwa Lesa! Ifyo icibumba cakulililako califye kunse ya Yurusalemu, cicilipo kulya! Amabwe ayakale aye tempele, baliyakolongenye nokupangamo icibumba. Kabili yalikweswa, ayatelela, ukufuma kufilamba nokulila, kumaboko yaba Yuda, ukulila nokulomba Yehova, “Yehova!” Bena tabailwikefye ukutila inshita yabo ili mupepi kabili naipwa nomba. Ifibumba fya kulililako, “Aya amabwe inshita imo yasungilwe mu Cipao ca Cipangano. Imfumu Davidi yalelolesha pali aya amabwe. O mwe Yehova, nikwisa Mwali?” Mwamona? Ukukana ishiba ukutila i Mfumu yakwe ili nokubwela, Kalubula wakwe. Bena bali nokuposwa kunse, panshita iinono.

⁶⁷ Naomi alisungwike, “Umulandu nshi ukuboko kwakwa Shikulu kwabela ukunkalwe pali ine, napabapongoshi bandi? Lesa namposa kunse. Ine ndi uwasulwa. Nshishibe ico Nacita, lelo Naba uwasulwa.” Mwamona?

⁶⁸ Lesa alebumba ubutantiko Bwakwe. Pantu, “Ifintu fyonse fibombela kubusuma kuli abo abatemwa Lesa,” temulandu nefyo cena cili.

⁶⁹ Atile, “Imwe bwelelenimo kuli ba noko, nokusanga ukutusha mu ng’anda yaba noko. Abalume benu balifwa. Kabili imwe

muli baice, abanakashi abasuma. Bwelelenimo. Bweleleni uko mwafuma. Kulya nokusanga ukutusha. Lesa abe uwaluse kuli imwe, pantu mwali abaluse kubafwa. Kabili mwaikala abamano ukutulafye apo abalume benu bafwila. Kabili imwe mwaliba abaluse kuli ine, umukote mukamfwila uwabula umulume, kabili imwe mwalambatila kuli ine. Bwelelenimo, kabili Lesa amipele ukutusha mu mayanda yenu.” Balilile.

⁷⁰ Atile, “Nga cakutila. . . Ine ninkota. Tekuti nkwate nakabili abana. Lelo nga cakutila Nalikwete umulume nokukwata abana, cisuma nshi cingacita? Imwe tekuti mulolele tulya utwana.” Ayo icine cine eyali amafunde muli shilya inshiku. Ukutula nga cakutula munyina afwile, nangu. . . kabili, uwakwe, munyina umbi ukuba uushaupa, ena nali nokumubula ukuba umukashi wakwe ukwimishamo ishina lyakwa munyina wakwe uwafwa. “Lelo, ena,” atile, “imwe tekuti mulolele pali bena, aba abana. Eico, bwelelenimo nokusanga ukutusha palwenu mu mayanda ya balume benu. Bwelelenimo kuli banyinenu.”

⁷¹ Kabili, Orpa, icakupashanya ca chalichi cacifule fule ico icatampileko pamuku umo, icakupashanya ca chalichi ico icishingaya munshila yonse. Atile, “Ico caumfwika bwino.” Eico, atomwene nafyala nokubwelelamo nakabili. Ico ecakupashanya ca wacetekela uwacifule fule, uyo uwinga cetekela Yesu ukuba Kristu, nomba apilibuka nokubwelelamo mu cintu ico afuminemo. Ku mwaume uyo uwingasenda inshila pamo nabanono abakwa Shikulu abasulwa, kabili nomba apilibuka, nokubwelelamo. “Nge mbwa ukubwelela kumalushi yaiko, kabili nga kapoli ukubwelamo mu matipa,” nga fintu Baibele yalanda.

⁷² Nomba, abwelelemo kuli tu lesa twakwe. Imiku iingi tubwelela kuli tulesa utwesu—utwesu utwa kukutampa. Limbi kuti twakwata amenso aya lunkumbwa kucintu icalubana. Ifwe tuli nokubwelelamo kulunkumbwa nakabili. Limbi twakwata utulubi twakunwa ubwalwa, utulubi twakupeepa fwaka, utulubi twakubepa, utulubi twakwiba, utulubi tonse utwalekana lekana; kabili nomba nokulanda ukuti twalibatishiwa, kabili nomba twabwela nakabili. We cintu cabulanda we! Ibukisheni, yena tayalandilepo ishina lyakwe nakabili. Afumishiwe kwisenge pamulandu wabusalo bwakwe.

⁷³ Ichalichi cacifule fule, uwacetekela uwacifule fule, pantu cila uwacetekela emininako ichalichi. Umwina America onse emininako America. Umwina German onse emininako German. Umwina Kristu onse emininako Kristu.

⁷⁴ Apa apilibwile inuma yakwe, nokubwelelamo mu cintu ico afuminemo. Ifyo balya abantu nangufye bakashimikila inshita imo, kuti basenda inshila yakwa Shikulu, kabili lintu walanda pa lubatisho lwa Mupashi wa Mushilo: “Fintu fyabulamo amano,” balapilibuka nokufumako kuli Ico. Abo niba Orpa.

⁷⁵ Ukubeba palwe Shina lyakwa Yesu Kristu, ukutila, “Takwaba i Shina mu Muulu ilyapelwa pakati ka bantu ilyo mufwile mwapusukilamo. Conse ico wacita mu cebo namumicitile, citila ico mwi Shina lyakwa Yesu Kristu, nga cakutila takwaba i Shina limbi pesamba lya Muulu umo wingapusukila.” Nomba Petro atile, pa bushiku, pa Bushiku bwa Pentecosti, “Nga cakutila ulefwaya ukupusuka, lapila noku batishiwa, mwi Shina ilyakwa Yesu Kristu, pakwelelwa ukwa membu shenu.” Ifyo efyo shelelwa. Kabili umuntu, pamulandu wakwishibikwa, tekuti emye Baibele pali ico. Lelo pa mulandu wakwishibikwa, kuti ashalikapo i Chalichi, kuti ashalikapo i Mbila, kuti ashalikapo Kristu, “shalenipo,” kabili kuti abwelelamo kulya afumine. Ni Orpa, uwacifule fule, uwafumishiwa kwisenge.

⁷⁶ Lelo, oh, ifyo Ine natemwa ulya Ruti munono! Ena apangile ubusalo. Ine mfwile napanga ubusalo. Iwe ufwile wapanga ubusalo. Tawafume pali ifi fiibi, muno lucelo, ukwabula ukupanga ubusalo. Tawafume muli uno muputule, ileelo, limbi walaba umwaume umusuma nangu umwanakashi, nangu umwaume uwabipa nangu umwanakashi. Ukukana Ico, walabipilako. Cena cili nokuba icakosa apakalamba inshita imbi, iwe ukwisa kuli Cena. Nangu, walafuma uwa waminako.

⁷⁷ Caishileba icakuilangisha mu mweo wakwe. Caishileba icakuilangisha mu mweo wa muntu onse. Kabili Ruti apangile ubusalo. Eico, Baibele itila nafyala amwebele ukutila, “Bwelelamo kuli tulesa tobe pamofye ngefyo nkashi yobe acitile. Bwelelamo nga fintu uwacifule fule acitile. Mulandu nshi taulebwelelamo.”

⁷⁸ Kashimikila wa Mbila nsuma atile, “Nga cakutila ulefwaya ukutwalililapo, twalililapo.” Kashimikila uwacine ali nokubika ico ku cinso ce bumba lya bantu ukutila, “Iwe ufwile wapanga ubusalo. Kuti waiminina pa makasa yobe.” Wewacifule fule, ushingakwata icakwimininapo, mukati-na-kunse, tekuti alande ico. Lelo umubomfi umwine mwine uwakwa Lesa kuti acilosha kuli iwe wemwine, “Ukupanga ubusalo bobbe.”

⁷⁹ Ruti atile, “Ndi nokuya uko muli nokuya. Abantu benu bali nokuba abantu bandi. Lesa wenu ali nokuba Lesa wandi. Uko muli nokwikala, eko na Ine nkeala. Uko mukafwila, eko na Ine nkafwila. Uko mukashikwa, eko na Ine nkashikwa.” Ubo ebusalo ubwine bwine.

⁸⁰ “Shikulu, Nala Mibula ngo Mupusushi wandi. Nga cakutila Baibele yatila, ‘Lapila noku batishiwa, mwi Shina lyakwa Yesu Kristu,’ ico Ndi nokucita. Nga cakutila Baibele yatila Mfwile ‘napokelela Mupashi wa Mushilo,’ ico Ndi nokucita. Nga cakutila Baibele yanjeba ukutila, ‘Yesu Kristu aba cimo cine mailo, ileelo, no muyayaya,’ ico Ndi nokuceteela. Ndi nokubula

Baibele na Lesa, paco Alemba napaco Aba, temulandu neco umuntu umbi engalanda.” Uyo e Ruti uwacine.

⁸¹ Apangile ubusalo bwakwe. Ali nokubwelelamo nangu ukuya kuntanshi. Ifwe twalaiminina pacikomo cimo cine, muno lucelo, ukubwelelamo nangu ukuya kuntanshi. Tamufwile ukubwelelamo. Lekeni tuye kuntanshi.

⁸² Ukuya mucalo cabulayo bena baile, baile mucalo ca bantu abeni. Ruti icawakupashanya cawa cetekela nomba. Cinshi? Uwacetekela ni nani? Lintu ena umwaume nangu umwanakashi abwela, umuntu ukufuma mwisonde esa pakati kabena Kristu abacetekela. Abanakashi balya abalepeepa fwaka, ukunwa ubukwala, nokuteya injuka mutubungwe, nefyaba ngefyo, nokukwata ifintu ifisuma, kabili kwati “fyuni fyamasako ayaima,” lelo nomba napilibuka. Napanga ubusalo ubwakuya pamo na Lesa. Nomba aisa mwibumba lya bantu abashacetekela ifyo. Ena aba umweni. Afwile ukwenda ngomulebeshi. Taishiba intambi shabo. Shonse shaba isheni, kuli ena. Ena taishiba nefyakucita. Ico eco Ruti acitile. Ico eco ufwile wacita. Ico eco Mfwile nacita.

⁸³ Lintu Napokelele Kristu, Nafumine mu ng’anda yandi yine. Lintu Napokelele Kristu, bacibusu bandi abalumendo, bacibusu bandi abakashana, abantu monse, balinsulile. Naile pamo ne bumba lya bantu abakalamba abo abakwete Mupashi wa Mushilo nokucetekela muli Lesa, ukula Mubombela. Abakashana, bali mulya mu chalichi, bali abapusanako ukucila na bakashana abo Naleenda nabo. Bali abapusanako. Imicitile yabo yali iyapusanako. Bali abeni, kabili Nali uwamushilo pali bena. Bali abantu abapusanako.

⁸⁴ Ico eco Ruti acitile. Ena afumine pabakwe, ukuya ku bantu bambi. Ali uwapilibulwa. Apangile ubusalo.

Kabili iwe ufwile wapanga ubusalo. Ufwile wabula ubusalo bobo. Ulefwaya ukubwelelamo mufintu ifya mwisonde, nangu ulefwaya ukuya pamo na Lesa?

⁸⁵ Bushe ulefwaya ukucita kwati li sonde na bonse abashala? Nokushalikapo Kristu nokutila “shalenipo” nokubwelelamo.

Lelo nga cakutila ulefwaya ukusenda inshila yobe pamo nabanono abakwa Shikulu abasulwa, ikatilila ku kuboko kwakwa Lesa ukushicinja. Temulandu nefyo isonde lyonse lingalanda, iwe ikatilila bwino palya. “Lesa efyo alandile. Cena ca cine. Nacetekela Ico, nangu Ningalenga cena ukusokololwa mu mweo wandi. Lesa efyo alandile. Ine nacetekela Ico. Ine naikatilila apa pene.”

⁸⁶ Uyo emusango acitilemo kuli Naomi. “Ine nshakamishe. Ndi nokuya uko muli nokuya. Abantu benu ebali nokuba abandi. Umusango bacitilamo, uyo emusango Ndi nokucitilamo. Inshila bacitilamo, ifyo efyo Ndi nokucita. Efyo balya, efyo na Ine ndi nokulya. Uko mukafwila, eko Nkafwila. Uko

mukashikwa, eko Nkashikwa. Kabili Shikulu akacita ifingi kuli ine nga cakutila Nafilwa apali ponse.” Ubo ebusalo ubusuma ubwabula ukusunkana. Lesa afwaya ubusalo ubusuma ubwabula ukusunkana pa Chalichi Cakwe.

⁸⁷ “Ukuba, Shikulu, nga cakutila Imwe kuti mwampala nokucita *ici* kuli ine, Ndi nokucita *cakuti-na-cakuti*.” Ubo tebusalo ubwawama.

⁸⁸ “Lesa, Nshilesakamana ico imwe mwacita kuli ine, Ndeya nangu cibe ifyo. Nga cakutila Nafwa, ninshi nacilungama. Naba no mweo nangu ukufwa, conse ifyo cili! Nga cakutila banseka, bampunya, tacilepangapo ubulekano nangu bumo, Ndi nokuya nangu cibe ifyo.” Ubo ebusalo ubwabula ukusunkana ubusuma, kwati fintu Rebekah apangile ilyo talati amone Isaki.

⁸⁹ Abafyashi bakwe batile, “Lekeni umukashana asuke. Umukashana, mukalamba, lekeni asuke.”

⁹⁰ Atile, “Nalaya.” Ubusalo bwabula ukusunkana, ukwapangilwe mukwangufyanya. Alambatile kuli ico. Ico eco Ruti acitile. Orpa abwelelemo.

⁹¹ Bena batwalililepo mubulendo. Ruti, mu mutima wakwe, taishibe uko aleya, lelo cakupashanya ca Chalichi. Tuli balebeshi, kwati ni Abrahamu. Abalebeshi mu calo iceni, pakati ka bantu abeni.

Kabili atwalililepo, kabili mukulekelesha aishile mu muputule naku ncende uko Naomi alemuleta. Kabili cinshi ico asangile? Umuntu onse alemupampansha panuma nokutila, “Ruti, tuli nensansa ukuba naiwe kuno”? Asangile ukukana umfwana. Asangile icintu cimo icalubana. Asangile ubwafya.

⁹² Kabili bakashimikila abo abengakweba ico ukutila, “U—ubwikashi bwamwina Kristu busanshi bwa maluba ubwa anguka,” ena kuti aba limbi alekubepa nangu ena tatala apokelela kulya ukwishiba palwakwe umwine. Isonde lyalikupata. Kabili na bantu bali nokukupata. Iwe ufwile wabula inshila iya bantu abanono abakwa Shikulu abasulwa, kabili nokusekwa, nokukupunya, nangu icintu conse cimbi. Iwe ufwile ukuba uwapusanako. Iwe wafyalwa mu Calo cimbi.

⁹³ Umukashi wandi. . . Nga fintu Na—nalaambula ico nakabili; cilemoneka cena ukuba icisuma ukucita ico. Anjipwishe ukutila, “Mulandu nshi abanakashi abena Kristu tabafwalila filya ifyakufwala nga fintu abanakashi bambi bacita?” Natile. . . Atile, “Bonse tuli abena America, bushe teifyo?”

⁹⁴ Natile, “Iyo, mukwai.”

⁹⁵ “Ukuba, twaba cinshi?”

⁹⁶ Natile, “Ifwe tatwaba limbi abena German, aba French, abaku Belguim, ama Swiss, abena Africa, nangu abena America, nangu umo pali bena.”

97 “Lelo nifwe bani?”

98 Natile, “Tuli bena Kristu.” Umwina America acita ifintu kwati mwina America, uwaku German acita ifintu kwati waku German, pantu uyo mupashi wa calo. Kabili twalikwata u Mupashi wa calo. Uyo ni Mupashi wa Mushilo uwafuma kuli Lesa, ukufuma mu Muulu, kabili naiwe kuti wacita kwati Ngefyo fine. Ukulenga iwe ukukwata imicitile iisuma palobe nga fintu bacita Kulya, pantu iwe uli wamwi Sonde limbi.

99 Ifwe twikala mu America, ico cacine. Ico cilundwa caku mubili. Lelo umweo uyo uulenga ifwe, imicitile yesu, yafuma ku Muulu. Twikala ukufuma mu Muulu pantu twafyalwa ukufuma mu Muulu. Bonse abena Kristu bafuma ku Muulu. Yesu atile, “Nshafuma pano pesamba. Nafuma mu Muulu. Nga cakutula Nafyelwe ukufuma pesamba, abantu Bandi kuti bandwilako Ine. Lelo u Bufumu Bwandi bwamu Muulu.” Eico efyaba umuntu onse uwafyalwa ukufuma mu Bufumu bwakwa Lesa, afuma mu Muulu.

100 Nomba, ukumona nomba. Ilyo tuletwalilila, tulebasanga bena baleisa mukapapushiwa. Bushe kulya eko imwe mwaingilemo, ilyo mwakwete Mupashi wa Mushilo? Mucine alicitile. Nalicitile. Ukupumya, ne fintu fyonse.

101 Nomba, moneni, ubwikashi bwali ubwakosa kuli ena. Kabili cena cintu cakosa panuma iwe waba umwina Kristu. Pantu ulingile ukuipatulula wemwine ukufuma ku bwikashi bumo, ubwa malila nefyakusangalala fye sonde, ku bumi bumbi, ukusangululwa kuli Lesa. Iwe ulingile ukuibweshwa wemwine, ukuya kuli *ulu* lubali.

102 Kabili Ruth aipatulwile umwine ukufuma mukuba mu calo umwali ifyakulya ifingi, kabili nafyonse ifyacindikwa, ku bantu abaleseka, ukulamupumya ena, mu mpanga umo aletolelesha mwibala pakukwata ifyo alelya. Abika fyena mu cusalu cakuipomba cakwe nokutwala ku ng’anda. Kabili ukufipela nokupangamo umukate umo, kabili ena na nyina fyala wakwe uku ulya wena.

103 Ilyo ena ali kulya, bena baishilesanga ukutila, ilyo ena alesepa, nangu ukuya muku sepa . . . Nomba, alipangile ubusalo bwakwe. Uko kwali kusala kwakwe.

104 Nomba, icintu cakonkapo alingile ukucita kubomba.

105 Kabili filya efyo i Chalichi cilingile ukucita. I Chalichi, panuma ya kukwata ukusala kwenu, mulingile ukubomba. Ukubombela Lesa umwabela imibele Yakwe, umwabela ubutantiko Bwakwe. Ufwile wabombela Lesa.

106 Ruti, ukupanga ukusala. Nomba, Ruti, ukubomba pesamba lyakusala kwakwe. Nomba moneni pali miniti fye. Nomba aya mwibala, mukusepa.

107 Nomba, banyina balimwebele; ico, Icipangano ca Kale ukweba Icipya, namwishiba. Banyina balimwebele, batiile, “Natukwata uwalupwa, kabili ishina lyakwe ni Boazi. Ena muntu wa cuma. Kabili ena walupwa uwapalama. Iwe uleya kwibala lyakwe. Kabili nalimo... Wiya mwibala limbi; uye mwibala lyakwe.”

108 Ifyo Mupashi wa Mushilo atweba ukukana ba mwibuuku limo ilya—ilya chalichi, cimo icapala katikishimu, lelo kabiyeni mwi Bala lyakwa Lesa, Icipangano ca Kale, Baibele. Mwilatila, “Ukuba, twalalanda *ici*. Kabili twalasosa *ici* kwi pepo. Twalakwata *ici*.” Ikalafye ne Bala. Kabiyefye muli Lyena, pantu Ena e Walupwa uwapalama.

109 I Cebo cakwa Lesa, Icipangano ca Kale, e ca Mulupwa ku Cipy. I Chalichi ca Kale ni nyina ku Chalichi Icipya, mwamona, umwina Kristu, uwacetekela. “Wiya mwibala limbi. Ikalafye mwibala lyakwe. Kabili limbi, ubushiku bumo, kuti wasanga ukusenamina pamo nankwe.”

110 Kabili ubushiku bumo, ilyo ali kunse mwibala, uyu mulumendo uwa fyuma, uwe shina lyakwa Boazi, kateka, umwaume umukankala, aishilepita, kabili ali mumwene. Oh, ilyo amumwene, aishile mutemwa namayo. Atontonkenye ukutla aali mwanakashi umusuma. Atemwenwe imibele yakwe. Muleibukisha, atiile, “Ninjishiba, lyena abantu balishiba, ukutla uli mwanakashi wa bunjinu.” Apangile ukusala kwakwe, uwasanguluka kabili ukwatambalala. Aishile bwela nakabili, aikele filya fine fye ifyo alandile ukucita.

111 Nga teifyo, ileelo, batila, “Ifwe twalishiba ukutla iwe uli mwina Kristu. Twalishiba ukutla iwe uli mubomfi wakwa Lesa, pantu takuli umuntu uwingacita ifi fipsha mano kano Lesa aba nankwe.”

112 Filya eflyo Nikodemasi alandile kuli Yesu, atiile, “Rabbi, ifwe twalishiba ukuti niwe kafundisha uwafuma kuli Lesa. Takuli umuntu uwingacita ifi fintu ifyo ucita kano Lesa aba nankwe.” Ilyo, ena kuti amumona Ena naikala kulya no kulingulula amatontonkanyo yene aya mu mitima yabo.

113 Umwanakashi akumishe umwingila Wakwe. Apilibwike, atiile, “Nani uwankumya?” Bonse pali bena balikene ico. Aolekeshe kunuma mwibumba nokutla, “Iwe, nobwafya bwamulopa apo, icicetekelo cobe cakulenga ukundapwa.”

114 Atiile, “Takuli umuntu uwingacita ico kano Lesa aba nankwe. Twalishiba ukuti Iwe mwafuma kuli Lesa. Ifwe teti tukusumine Iwe, pantu ifwe tuli nokutamfiwa ukufuma mu chalichi.” Mwamona?

Ulya umwangashi uwafyantikwamo, Munyina West, nga ifyo twalelanda mailo ubushiku, bena bakamutamfya. “Lelo, mukati ka mitima yesu, twalishiba ukutla mwafuma ku Mwangashi wapakutendeka.” Kristu e Mwangashi; ifwe tuli misambo.

“Twalishiba, pantu tulemona Umweo umu wine uyo uli muli Lesa, uli muli Imwe.”

¹¹⁵ Filya eflyo Boazi amwene muli Ruti, kulya ukusala ukwapwililika, yalya maka ya mwanakashi ukwiminina palya. Kabili alimutemenwe namayo.

¹¹⁶ Nomba, Ndefwaya imwe mumone. Naomi, ichalichi cakale, atendeke ukulondolola kuli Ruti amafunde yonse palwa bukapepa bwakwe, nga fintu Icipangano Cakale cinshingwa ca Cipy. Nomba, Ndefwaya mumfwe ili lyashi apa pene.

¹¹⁷ Nomba, ndefwaya ukulangisha ifinshingwa. Icipangano ca Kale cilalondolola Icipya, nga muli no kubelenga fye Cena, pantu Cena cinshingwa ca Cipy. Nomba, nga Naleya ukulola kuli cilya cibumba, kabili Nshatala imona nemwine, kabili Nalimwene icinshingwa candi, Ine kuti naishiba, ukukwata itontonkanyo limo pafyo Ningamoneka. Kabili nga tamwacita (imwe) ukwishiba ifyo Icipangano Cipy caba, belengeni Icakale kabili muli nokumona icinshingwa cacena. Mwamona? Elyo kabili ilyo Icipangano Cipy caisamo, mwatila, “Mulandu nshi, mucine, ici Eco.” I Buuku lya Ba Hebere, ukubwelela kunuma, Paulo ukulondolola lyena.

¹¹⁸ Nomba, lolekesheni nganshi nomba. Ilyo Ruti alandile, nangu... Naomi alandile kuli Ruti, atiile, “Nomba, ena e walupwa lwesu. Kabili nga kuti wasanga ukusenamina kuli ena, uli nokusanga ukutusha.” Oh, owe! “Nga kuti wasanga ukusenamina, uli nokusanga ukutusha.” Boazi aiminineko Kristu, Umwaume wa cuma, impyani ya fintu fyonse, Shikulu wa busomboshi. Oh, owe! Musango nshi, ilyo Boazi aishile muli lilya iceleta, alelolesha mumabala, kabili amenso yakwe yawilile pali Ruti! Ali ni shikulu. Ali ni shikulu wa busomboshi. Kabili asangile ukusenamina mucinso cakwe.

¹¹⁹ Ifyo eflyo i Chalichi cicita, ileelo. Ilyo Shikulu wabusomboshi alepita, Talelolesha kufikulwa ifikalamba, nensonta ishikalamba, bakemba abakanshiwa bwino. Alefwaya abantu palwabo, abäume na banakashi abo abaipelesha kabili abaiwamya umupwilapo kuli Kristu, abaishisha abene ku mulimo Wakwe. “Lesa, Nalicetekela Cena, i Cebo conse ica Cena. Ilyo i Cebo Cenu casosa icintu icili conse, Ndekala fye na Cena. Ico Cebo Cenu. Nalicetekela Cena, i Cebo conse.” Ico eco Alefwaya; Shikulu wa busomboshi. Ico eco Alefwaya ukupela, u Mupashi wa Mushilo, kuli abo abakwete insala ne cilaka. “Mwalishuka mwebakwata insala necilaka, pantu mukesushiwa.” Ena aleesha ukusanga ico i Chalichi, ileelo.

¹²⁰ Nomba, lyena, Ruti balimwipwishe ukucita icintu cimo ico cali ica musebanya, lelo ali uwaipesha pantu alipangile ubusalo bwakwe. Ifyo caba icipasho ca wacetekela! Ifyo caba icipasho icapwililika!

¹²¹ Naomi, ichalichi ca kale, atiile, “Kabiye kulya, muno bushiku. Yena ni nshita yang’ano.” Oh, we tontonkanyo we ilisuma ilyo ifwe twingekalapo palya pene!

¹²² Naomi na Ruti baishilemo pa nshita fye ya ng’amo. Inshita yang’ano yali ninshita ya mukate, inshita iyo umukate walepekanishiwa. Kabili i Chalichi, muli shino nshiku shakulekelesha, ukupita mu myaka amakana yabili ayakufundisha kwa busenshi ne fintu, calisa mu nshita yang’ano, nobupya bwa Mweo, Umukate uupya, ubuci ukufuma ku Muulu. (Russell, alanda palwa mukate wafimbwa na ubuci!) Ici e Ico, Umukate ukufuma ku Muulu. “Nine Mukate wa Mweo. Bashinwe balile manna, kabili balifwa. Lelo Ndi Mukate wa Mweo uyo wafuma kuli Lesa, ukufuma ku Muulu. Ngo muntu alya uyu Mukate takatale ukufwa.” Kabili Chailchi muli ishi nshiku shakulekelesha pano, ciletwamo, ino ine nshita, pa nshita yangano.

¹²³ Ruti, u Mwinafyalo, uwafumishiwa kwisenge, uwabutwike, naletwa mukati, ngo kupokelelwa nga Nabwinga. Kristu alishilemo, pa nshita fye yang’ano.

¹²⁴ Atiile, “Nomba fwaleni ifya kufwala fyenu pali imwe.” (Tacili, “Fuleni imingila yenu ukufuma pali imwe.”) Ifyo caba icapusana ne leelo! “Kakeni imingila yenu pali imwe, ilyo muleya mukumukumanya. Ena ali no kusepa ing’ano, muno bushiku. Kabiye kulya nokubika ifyakufwala fyobe pali iwe. Ifimbe we mwine, ku kumukumanya.”

¹²⁵ Ileelo, balefwaya ukuifimbula abene. Ifimbeni mwebene. “Kabiye pesamba, pantu ena alesepa ing’ano. Elyo kabili usope pacifulo apo alalambalala.” Bushe walicicita? Pa Gologota. Imyaka iingi iyapitapo, Nalilembele mumutima wandi umo Alambalike umweo Wakwe, pakutila Enga nsenda. Musope pacifulo apo alambalala. Lolesheni apo Ena alambalele. Ifyo eflyo uwacetekela onse alingile ukucita. Moneni ifyo Ena amucitile imwe. I Mbila ya pa Mulungu wafumineko, pa *Butandashi Ku Kalbale*, sopeni ifyo Amucitile imwe.

¹²⁶ Atiile, “Usope apo alalambalala. Kabili nga alambalala kukusendama, ukutusha, uleya ulambalale pa makasa yakwe.” Te mutwe wakwe; amakasa yakwe, uushalinga. “Kabili ubule ubulangeti ubo afimbene, kabili nokubufimbana.” Oh! Mulecimona? Oh, owe! Ninjishiba imwe kuti mwatontonkanya ukuti Ndi shilu. Lelo ico nacindinga fye bwino, ulya u Mupashi wakwa Lesa. Usope apo Alalambalala, Kalbale; uko Ena alambalele munshishi; mu Getsemane. Usope, nokwamfwila pa makasa Yakwe. Lambalala palya nokufwa, wemwine, kufyobe. . . Mwacimona ico. Ifimbe wemwine, pamulu, na siketi Yakwe. Atiile, “Siketi,” eflyo aitile.

¹²⁷ Kabili Ruti atiile, “Ifyo ulelanda, eflyo Ndi nokucita.”

128 Oh, ifyokwaba ukusala ukwapwililika ku wacetekela! “Ifyo Baibele yasosa, efyo Ndi no kucita. Itila, ‘Lapileni no kubatishiwa, i Shina lyakwa Yesu Kristu,’ Ndi no kucicita. Nga Yatila, ‘Kabiyeni mwisonde lyonse nokushimikila i Mbila nsuma,’ Nkacita ico. Nga Yasosa, conse fintu Yasosa, ‘Yesu Kristu aba cimo cine mailo, umuyayaya.’ Ifyo Yasosa kuli ine ukucita, Nkacicita.” Mwamona, i Chalichi ukubula ukutantika kwa Ciko ukufuma mu Cebo. Ena alambalele panshi.

129 Nomba, ibukisheni, ico cali icamusebanya kuli ulya mukamfwilwa umwanakashi ukwikala kulubali lwa yu mwaume, pa makasa yakwe. Icamusebanya, kwisonde lyakunse.

130 Oh, bushe kuti mwacishipikisha? Ici cili apa. Moneni. Moneni. Ici eco. I Chalichi, umwanakashi umwaice, umulumendo, umukalamba nangu umwaice, baipushiwa ukuipatula abene ukufuma kwi sonde, no kwisa mu cifulo, Ubufumu bwa Mupashi wa Mushilo, cilya cansoni kwi sonde. Mu mitima yabo abene balishiba ifyo conse caba. Lelo, kwi sonde, besa mukuba uwafulungana. Bena baishileba kakunkuluka wa mushilo nangu icintu cimo pali lilya itontonkanyo, ishina limo ilya musebanya. Lelo i Chalichi calipushiwa ukucicita. Bushe muli abaipelesha ukusopa icifulo, no kulambalala panshi, lekeni isonde limite icintu icili conse ico balefwaya ukucita?

131 Ulwimbo lwa kale, ulo twaleimba:

Nalitampa ukwenda na Yesu eka, (Mwamona?)
 Ukukwata ngo musamino, nga Yakobo, ne
 libwe;
 Kabili Nkasenda inshila nabanono abasulwa
 abakwa Shikulu,
 Nalitampamo na Yesu. Ndi nokutwalilila
 ukupwisha.

132 Cilya eco. Te mulandu, Ndi nokulipila amalipilo fyonse ifyo bambi bacita. Nga cilepilibula umusebanya, nga cilepilibula ukulufya ing’anda, ukulufya—ukulufya ulupwa, fyonse ifibusa fyobe, ifibusa ifyanakashi, ifibusa ifyaume, fyonse ifyo cilepilibula, Nkaya neka. Ndi no kusenda inshila. Nga umwina mupalamano wandi atila Ndi “kakunkuluka wa mushilo, pentecosti, nangu uwafulungana,” Nshilesakamana ifyo balesosa. Tacilepanga ubupusano nangu bumo kuli ine. Nintendekamo. Nimpanga ukusala kwandi ukwatambalala, kabili Ndepitamo.

133 Nomba, ena eumofye uwingamupela ukutusha, ukufuma muli yalya amabala yakunasha ayakutoleleshamo. Oh, cali icisuma sana ilyo, Boazi, ilyo amusangile mulya mwi bala. Tekuti mpuse ici. Boazi amusangile mwi bala. Atiile, “Mona.” Atiile, “Niwe nani?”

Atile, “Ishina lyandi nine Ruti.”

“Oh, umwina Moabu uyo waishile mukulebela pamo na ifwe.”

“Ee.”

¹³⁴ “Nalyumfwa palwa iwe. Iwe ta uya ku mabala yambi.” Ah! Nalitemwa ico. “Witendeka ukwendauka kwa bu minshoni. Ikala fye muno mwibala lyandi. Ikala ne lyandi.” Ali mutemenwe. “Ikala pano. Ikala pamo na ine. Wilaya ulebutauka ukufuma ku ncende ne ncende. Ikala pano.”

¹³⁵ Nga walicetekela i Mbila, ikatilila kuli Yena. Mwamona? Te mulandu ifyo umutengo uli, ikala fye na Yena. Twalilila fye. “Nga cilepilibula, ukupela *ici, cilya*, nangu *cimbi*. Kabili Ningile ukuleka ukunwa kwandi, ukuleka ukwiba kwandi, ukubepa. Ndi no kwikala fye na Cena.” Mwamona?

¹³⁶ Kabili catiile nakabili, atiile, “Nomba, bena tabakakushupe, pantu Ninjeba abaume abacaice ukukana kusalula.” Ameni. Nalitemwa ico, ukucingilila kwakwe. Nani uwalandile ico? Shikulu wa busomboshi.

¹³⁷ Beni abacenjela. “Mwilakumya abasubwa Bandi. Mwicita bakasesema Bandi ububi.” Bushe ico cishinka? “Pantu icine cine, Ndelanda kuli iwe, kuti cawamishapo kuli iwe ukuti ilibwe lyakupelelako lyakobekwa mumukoshi obe, nokunwina muli bema, ukucila ukukalifya uwacepeshapo pali aba, Abanono bandi.” Ico cishinka? “Wileta nomulandu kuli bena.”

“Nimbeba ukukana kukumya.” Oh, moneni lilya isonde! Lyena nili kacusha. Bena nabakwata ora yabo ileisa.

¹³⁸ Elyo aile ku balumendo, abashala. Atiile, “Nomba, aletolesha pa ukuti abe nomweo. Nomba, Ndefwaya imwe bakalobolola...imwe ba malaika,” mu mashiwi yambi. Filya eflyo baba. Atiile, “Ndefwaya imwe ba malaika, imwe bakalobolola, umuku umo mukashita, muleponyapo ulupi ulwaisula, kubufwayo bwenu.” Oh! “Mwileka conse ukuba icakunasha nganshi kuli ena. Lelo lyonse umuku umo munshita, lekeni ena aleumfwa i Mbila iisuma. Lekeni amaka ayasuma aya Mupashi wa Mushilo ya Mufimbepo, umuku umo mukashita, ukuti Eshibe ukutula Ekondi kulya. Ukucita bumo ubundapishi pakati Kakwe. Ukulangisha icapala icishibilo nangu icisungusho, ico Akeshibilako ukutula Ndi pakati Kakwe.” Ico eco.

¹³⁹ Tamwatemwa ukusanga shilya indupi ishaisula? Ndesubila ukuti twalasanga shimo luno ulucelo, tamulesubila? Ulupi ulwaisula ne ipya ingano. Shikulu acite icintu cimo ico Alecita. Icintu cimo ico twaishiba ukuti Alacita. Ni Shikulu wa Busomboshi. Ena Eumo fye uwingaponya ulupi ulwaisula. “Naeba ba Malaika ukuya kuli kulya ukulongana luno ulucelo. Ndefwaya bacite cimo, icintu cimo. Na Beba, kabili Bali no kucicita.” Oh, owe.

¹⁴⁰ Nomba, pano, ena ali no kusenda iciputulwa ca musebanya, ukulambalala panshi, ukwitwa icintu icili conse ico alefwaya. Ena kuti aitwa cilende, namwishiba. Ena kuti aitwa umwanakashi cilende, lelo ena taali. Kabili alekonka fye bwino bwino amafunde ayo bamutantikile. Eico aile nokuifimba umwine, necakufimbana ico aifimbile. Nikwisa uko aile? Ku nshishi. Nikwisa uko aile? Uko aletusha.

¹⁴¹ Apo epo Nacisangile.

Palya pacapindama apo u Mupusushi wandi afwile,

Palya pene mukuwamishiwa ukufuma kulubembu Ine nalilile;

Palya ku mutima wandi epo u Mulopa wabikilwe.

Kuliko Akafukauka akaisushiwa no Mulopa, Akalefuma mu mishipa shipa yakwa Imanuele, Umo ababembu ngabaingilamo pe samba lya lyeshi,

Balufya yonse amatoni yakusekwa kwabo.

¹⁴² Sopeni icifulo apo Alambalele, kabili lambalaleni palya pamo Nankwe. Bushe muli abaiteyanya ukuya ku Kalbale, muno lucelo, nge fyo Nalandile pa bushiku bwapa Mulungu uwafumako? Bushe na mucisopa icifulo mumweo wenu? Bushe na muileta mwebene kuli cilya icifulo uko Yesu atanikilwe?

¹⁴³ “Oh, tuletotela pali ico.” Lelo nga palwa kutanikwa kwenu? Bushe muli abaiteyanya ukubula inshila pamo ne shina lya musebanya, pakuba kakunkuluka wa mushilo, kapepa uwafulungana, nangu conse fintu cili, fyonse ifyo umutengo uli?

¹⁴⁴ Bushe na musopa icifulo, e ico kabiyeni kulya no kulambalala pamo Nankwe, mutile, “Shikulu, Ndi pano?” Nomba cinshi? Tinta icakuifimba cimo cine icali pali Ena, pali iwe.

¹⁴⁵ Umwanakashi inshita imo atiile kuli Shikulu wesu, “Shikulu, peleni ku bana bandi babili, ulya umu akekale ku kuboko kwa kulyo, kabili umbi ku kuboko kwa kuso, mu Bufumu.”

¹⁴⁶ Atiile, “Bushe kuti wanwako ulukombo ulu Nwa?” Kulya e kucushiwa ukwalula.

“Ee.”

¹⁴⁷ “Kabili kuti wabatishiwa nolubatisho ulu Nabatishiwa nalo?” Lambalala panshi, nokuifimba icakufimbana cimo cine pali ena.

¹⁴⁸ Eliya alisendelwe. Kabili Eliya aposele panshi icakuifimba cimo cine ico akwete, ukufimba Elisha ne fipandwa fibili ifya Mupashi wakwe. Icintu cimo cine, ifipandwafye fibili.

Amaka yamo yene; takuli ukulundapo. Takuli ukulundapo, takuli ukucilapo; fipandwa fye fibili ifya Cena.

¹⁴⁹ Nga filya Mose, ilyo ali uwanaka, ba wishi fyala bakwe batile kuli ena, batiile, “Uleinasha wemwine palobe. Pepa Lesa ukuti engasenda Umupashi obe no kuubika Wena pali bambi.” Kabili ena alipepele.

¹⁵⁰ Kabili Abulile Umupashi no kubika Wena pa makumi cinelubali na bambi kabili amakumi cinelubali batendeke ukusesema. Tabakwete amaka na yambi ukucilapo. Bakwete fi mashini ifingi. Epela fye. Icintu cimo cine, bakwete fye fi mashini ifingi.

¹⁵¹ Uyo e musango cabelamo, ileelo. Umuntu umo tekuti acite ico. Lesa alikwata fi mashini Fyakwe ukubomba ukuli konse, lelo yena maka yamo yene; amaka yamo yene, u Mupashi wa Mushilo umo wine, Yesu umo wine.

¹⁵² Nomba, asendele ubulangeti, u Mupashi wa Mushilo, ilyo afwile kumwine. Asopele pacifulo apo afwilile, apa alambalele ku kutusha. Elyo alambalele, nokubula ubulangeti ubwali pali ena nokuifimba umwine. Kabili umwaume aishilebuka, atiile, “Nani uliko?” Atiile...Atiile, “Nine Ruti, umwina Moabu, cishiko obe.”

¹⁵³ Kabili aimine. Atiile, “Nimona nokwishiba ukutila uli mwanakashi wa bunjinu.” Amen. Oh! Bushe ico taciletuma fye ukututuma ukunono ukupita mu mweo wenu? “Iwe uli mwanakashi wa bunjinu.”

¹⁵⁴ Kabili ni cinshi ico ena aaswike? “Lelo iwe uli uwa mulupwa uwamupepi.” Amen. “Iwe uli wa mulupwa uwamupepi. Iwe kuti wancitila. Iwe kuti wambika mukutusha. Ninjisa pano nokulambalala pano, temulandu wakuba umwanakashi uwamibele yaonaika. Nambalele pano, tepa mulandu wakulangisha nemwine; ukulangisha abantu ukuti kuli Nalandila mu ndimi, ukulangisha abantu kuli Nashana mu Mupashi, no kulangisha abantu kuli Napunda. Lelo ni Njisa kuno pantu uli uwa mulupwa uwa mupepi. Tekulangisha ukutila kuli Nacita icintu cimo icikalamba; lelo uli uwamulupwa lwandi. Ni njisa pantu uli wamulupwa uwamupepi, kabili niwefye weka we wingandubula.”

¹⁵⁵ Mwamona imicitile iya—iya wapilibulwa kuli Kristu, ku Chalichi? Mwamona? Mwamona? “Imwe muli ba mulupwa aba mupepi.”

¹⁵⁶ Kabili atiile, “Iwe uli mwanakashi wa bunjinu. Kabili Ndi uwa mulupwa uwa mupepi. Nomba, ifimbe we mwine. Lambalala mpaka ulucelo.” Whew! “Fimbanafye muli bulya ubulangeti. Ndi wamulupwa lobe. Lambalala apo pene mpaka ulucelo, uletusha.” Amen. Amen. “Nine uwamupepi uwalupwa lobe. Tusha!” Amen.

157 Ilyo ulucelo lwafikile, ilyo akasuba takalatula, akolongenye umwina uukalamba uwangano, ifipimo mutanda, Ndecetekela efyo fyali, nokubika mucakuipomba cakwe—cakwe nokuya ku ng'anda.

Kabili—kabili Naomi atiile, “We mwana wandi umwanakashi.”

158 Panuma waima ukufuma pacipailo, kabili wabwelelamo. “Nomba ni cinshi icili no kucitika, mayo? Ni cinshi icili no kucitika nomba?” Ameni.

159 “Ukutusha.” Ameni. “Tusha, Ruti, pantu umwaume takakwate ukutusha mpaka ena akalipile umutengo onse uwabulubulo.” Ameni. Ameni. Palya pene epo Naiminina. Ameni. Takatushe mpaka Akalipile umutengo onse uwabulubulo, ukulubula imwe, ifintu fyonse ifyo mwalufishepo, ifintu fyonse ifyo mwali.

160 Nomba ibukisheni ifunde lya kulubulwa, ilyo tuleisa mukwisala, kumpela yakulongana. Lyonse ifunde lyakulubulwa lyaba ifi, ukutila, libe umuntu talalubula icipe icaluba, alingile ukuba uwa mulupwa uwa mupepi. Kabili icintu icakonkelepo, ena ali nokuba umuntu uwabololoke, umuntu umulungami, pakucita ico. Kabili nomba alingile ukuba uwakwata indalama ishalinga, pakucita ico. Kabili nomba alingile ukupela ubunte ubwa cintu bwingi ukutila alicitile ico. Kabili ukufuma ilyo ukuya kuntanshi, cali cipe cakwe.

161 E ico nomba moneni. Boazi aiminineko Kristu. Nomba, Ruti aiminineko i Chalichi, iwe, we wacetekela. Kabili nomba, Lesa, mu Cipangano ca Kale, inshila fye imo iyo Ena engeshilamo no kulubula ico calubile, Lesa alingile ukuba uwa mulupwa ku muntu. Kabili inshila fye imo iyo Lesa engesaba uwalupwa ku muntu, cali ukuba umo uwa pakati kabo. Ameni.

162 Nalipusanako na Billy Graham, pa bantu batatu muli bu mutwe bwa Bulesa, nangu onse kafundisha wabu lesa patatu, pali ico. Nalicetekela muli ba lesa patatu, mucine, lelo te muli ulyo musango, bona ukuba abantu batatu. Bena baba Umo. Lilya ilyashi kulya, lyeka, talyakwete icintu cimbi kano cilya, icinga cishininkisha.

163 Lesa aishileba umuntu. Alingile ukuba uwamulupwa. Kabili Ena tekuti abe Lesa, kabili ifwe fwe babembu, ifilengwa fyakulenga Fyakwe, ifibumbwa ifya kulenga Kwakwe, pantu ifwe tekuti tube abalupwa kulya. E ico, Lesa aishileba umuntu, ukutila umuntu engaba Lesa, aishileba Lesa. Ameni.

164 Ifwe, pa kuba abantu, ababembu, Lesa aishileba umubembu, asendele imembu shesu pali Ena. Ukwabula ukwishiba ulubembu, lelo nomba ali umubembu pantu imembu shesu shabikilwe pali Ena. Ukutila ifwe... Aishileba ine, pakutila Ningaba Ena. Mwamona? Aishileba umubembu, pakutila Ningaba umwana wakwa Lesa. Aishileba umubembu, pakutila

imwe mwingaba umwana wakwa Lesa. Kabili nomba tuli bana baume na bana banakashi bakwa Lesa, pantu Lesa apangilwe uwalupwa lintu Abulile imibele ya mibili yesu, afyelwe ku mwanakashi. Lesa! Te muntu umbi; Lesa, Umwine.

¹⁶⁵ Timoti Wacimo 3:16 itila:

...ukwabula ukutalikishanya cikalamba ica nkama ca bukapepa: pantu Lesa amonekele mu mubili,...
Lesa!

Mkutendeka kwali Cebo, kabili Cebo ali pamo na Lesa, kabili Cebo ali ni Lesa.

Kabili i Cebo calengelwe umubili,...

¹⁶⁶ I Cebo, calengelwe umuntunse, aishileba uwa mulupwa. Aishileba umuntu. Oh! Aishileba imfwa, ukutila ukupitila mumfwa Yakwe Ningaba Umweo. Aishileba umubembu, pakutila ukupitila mubulungami Bwakwe Ningaba... ukukwata Umweo. Ena aishileba umubusu, pakutila Ine, ukupitila mu bubusu Bwakwe, Ine ningalengwa ukuba uwa fyuma. Aishileba ifyo Nali, pakutila nalimo Ninga cita, ukupitila mukusenamina Kwakwe, ukuba ifyo Ena aba. Oh, mwe! Lyena, landeni palwa maka yakwa Lesa! Nomba, ico Malembo fye bwino bwino. Kabili ifyo efyo Amalembo yasosa.

¹⁶⁷ Pakutila twingaba...Kutemwa nshi, Taata asumya pali ifwe, ukusumya pali ifwe, ukutila ifwe fwe bali ababembu, abalebeshi, abataluka ukufuma kuli Lesa, kuti twalengwa abapalamina kuli Lesa, icakutila twaisa ba abana baume na bana banakashi bakwa Lesa, te babomfi. I Chalichi ca Benafyalo tacatala bapo umubomfi. Iyo, mukwai. I Chalichi ca Benafyalo caba mwana mwaume no mwana mwanakashi. Imwe muli bana baume na bana banakashi bakwa Lesa, abo abapokelela Mupashi wa Mushilo. Nomba, nga muli ibumba lya Orpa, no kufumapo? Lelo nga mwaliya ukupita ku Mupashi wa Mushilo, mulaba abana baume na bana banakashi.

¹⁶⁸ Nomba, abana abaume na bana abanakashi, nibanani abakwata amaka ayengi ku cinso cakwa Lesa? Malaika ni cinshi? Malaika mubomfi. Ico nacilungama? Bena babomfi Bakwe. Cinshi ico iwe uli? Umwana wakwe umwaume no mwana umwanakashi. Ninani wakwatishapo amaka mu Muulu, nomba, umubembu uyo wapusushiwa kukusenamina, nangu Malaika mukalamba uyo wiminine kulubali Lwakwe ulwa ku kulyo? Umubembu, uyo wapusushiwa ku kusenamina, alikwatapo amaka ayengi mu Muulu ukucila Malaika mukalamba uwaiminine kulubali Lwakwe, ukwabula ulubembu, pantu ena mwana. Umwana alikwatapo amaka ayengi ukucila umubomfi, mucine.

Oh, ifwe tulalaba ifyo twaba. Ifwe tulalaba, inshita ishingini, ifyo fyatulenga ifwe ifyo twaba. Panuma twaba ifyo twaba, lyena twalabile ifyo twaishile pano. "Ilyo Lesa Umwine..."

Oh, we kutemwa ukusuma uko Taata
 Apele ku mutundu uwawa uwakwa Adamu;
 Apele Umwana Wakwe umo fye ukucula,
 Nokutulubula ku kusenamina Kwakwe.

Oh, ifyo ifwe twatala ishiba!

Pakati ka mabwe ayalepona ne myuulu iyafita,
 Kapususha wandi akontamika umutwe Wakwe
 no kufwa;

Icifimbo icaiswike casokolwele inshila
 Ku nsansa shaku Muulu nobushiku bushipwa.

Pali Kristu, Icilibwe icakosa, naliminina;
 Ififulo fimbi filebisha.

Ilyo Nalolesha ulupanda lwakupapusha
 Palya apo Cilolo wa Bukata afwilile,
 Ndependa ulubembu lwandi lonse ukuba lelo
 ubuluse.

169 Ico nacilungama. Umo atile:

Mu mweo, Alintemenwe; mumfwa,
 Alimpuswishe;

Mukushikwa, Asendele imembu shandi
 ukutali;

Mukubuka, Anungamike ukwabula umutengo
 umuyayaya:

Ubushiku bumo Ena aleisa—oh, we bushiku
 bwa bukata!

170 Cena caba umutwe wa Chalichi. Cena caba imimonekele
 ya Ciko. Cena caba umutima Waciko. Ili sonde lyasambwa no
 Mulopa uwa yu Kalubula Wa mulupwa, ukulubula umutundu
 uwawa uwakwa Adamu.

171 Moneni, yu Ali pano, Kalubula uwa Mulupwa. Nomba,
 icintu ca kubalilapo, Ena alingile ukuba umuntu uwalinga.
 Nani uwali uwalinga ukucila Kristu, ukucila Yesu? Nomba,
 icintu cimbi, Alingile ukukwata indalama. Ena alingile ukuba
 uwalinga ukucicita. Ena akwete Imyuulu. Ena ashininkishe
 ukuti Ena alicitile. Ena kuti asenda imikate isano iya mukate
 ne sabi libili, no kulisha amakana yasano, ukusenda imiseke
 isano iya kunakuka, panuma. Ena kuti apompa amenshi
 ukufuma mucishima no kuyapilibwila mu mwangashi. Ena kuti
 asenda isabi ukufuma muli bamba, no kusenda ikobili ukufuma
 mukanwa kakwe, ilya golde. Ameni. Ena tali i . . .

172 Lelo Ena aishileba umubusu, te cifulo cakusamikapo
 umutwe Wakwe. Aishileba uwa Mulupwa. Te wa Mulupwa ku
 ba fyuma; uwa Mulupwa ku bantu bonse. Asendele icifulo cakwa
 kalubula.

173 Nomba cinshi ico ena ali nokucita? Nomba ena ali
 nokupanga ubunte pa cintu bwingi. Ulucelo ulwakonkelepo,

Ruti atiile, nangu, Naomi atile, “Tusha, Ruti, ifintu fyonse fili nokuba fye bwino nomba, pantu na musanga inkumbu mu cinso cakwe.”

¹⁷⁴ Lesa, lekeni ncite ico. Lekeni nsange ukusenamina ku cinso Cakwe. Nomba ilyo akasuba katula:

Ilyo ipenga lyakwa Shikulu likomfwika, kabili
inshita takwakabe nakabili,
Na akasuba kakatula Umuyayaya, akabuta
kabili akawama;
Kabili ilyo abasalwa pesonde bakaya longana
kulya kwi Shilya,
Lintu amashina yaketwa kulya, Nkabako.

¹⁷⁵ Ukutusha nomba, ukulolela ukulubulwa ukwapwililika. Lolesheni, Ninjkwata Yena, i—i isuma pali Yonse, nomba. “Nacisenda ku ng’anda ukwisushamo ingano mucisalu conse icakuipomba. Ninjkwata palya.” Apele yena kuli ena, aipiminemo, ifipimo mutanda. Mutanda, capilibwile, “imyaka amakana mutanda iya kubapo kwe sonde.” Ubushiku bwa muntu bwaba mutanda. Umuntu alengelwe pa bushiku ubwalenga mutanda. Kukaba imyaka amakana mutanda ilyo isonde lyalengelwe, muli Lesa uwalenga amakana cinelubali atushishe. Imyaka amakana mutanda i Chalichi cikabomba ukususha ulubembu, na Maka yakwa Lesa aya iyi mikate ya ngano, kabili nomba ukuya Mukutusha kwa Muyayaya. Cisuma. Ukutusha, loleleni. Ifipimo fitatu ifya ngano iisuma abikile mulya, ukumusenda mpaka inshita iya kulubulwa kwakwe ukwapwililika. Ndi uwansansa ukusangalala mu cena.

¹⁷⁶ Nomba, mukwangufyanya, lekeni twise ku mpela yaico. Nomba tulesanga, nomba, ukutila, ulucelo lwakonkelepo, ilyo ashibwike, ali uwansansa, ukulolela. Kabili umwaume alishile. Alile kulya. Ena alikwete uwalupwa na umbi uyo mucine uwakwete ukwishiba pa mwanakashi, pakubala. Bushe Ninkwata inshita yakufika uko? [Ulukuta lwatila, “Ameni.”—Kale.] Cisuma, pali miniti fye, kabili tuli no kukwata icipandwa ca cena, nangu cibe ifyo.

¹⁷⁷ Ulya uwakonkelepo mu mulumbe, uyo wakwete ukwishiba pali imwe, ali ni ciwa, pantu mwalibembwike. Kabili pakubala mwali abakwe, pantu, imwe mwali, imwe muli cipe cakwe. “Pantu imwe mwafyalilwe mulubembu, mwapangilwe mumampulu, ukwisa pesonde mulelanda ubufi.” Kabili ena tekuti alubule ico. Mwamona? Ena tekuti alubule ico. Eico, Kristu aishile kabili alengelwe umuntu, ukusenda imembu shesu, ukutulubula. Bushe mulecimona? Kabili umwaume umbi tekuti acicite. Ciwa tekuti afwile imembu, pantu ena ewali uwapondamikwa nganshi uyo walengele ulubembu. Mwamona? Ena tekuti acite. Ena ali nokonaula icabupyani cakwe, umuntu umbi. Kabili Satana ali nokonaula icakwe, pantu ena ni ciwa.

Ena tali nokuba ciwa umbi, uwali nokufumyapo ciwa, ciwa wakubalilapo. Ena tekuti abe ulubembu, pantu ena ali kale ulubembu. Lelo, Kristu, ukuba uushakwete ulubembu, aishileba umubembu. Ena kuti atulubula. Alleluya! Twalilubulwa. Ifwe *twalilubulwa*, cilepilubula, “ukubweshiwa.” Ifwe twalilubulwa.

¹⁷⁸ Eico, ulucelo lwakonkelepo, lyena alingile ukupela ubunte palwalala. Aile kulya nokukumanya uyu muntu pa mpongolo, kucinso ca bakalamba. Kabili cali nokuba muncende iyacintubwingi. Kabili amuloleshe pa cinso. Atiile, “Bushe kuti wa mulubula?” Nomba, nga ena ali nokulubula Naomi pakubala, pakutile engasenda Ruti; kabili Kristu ali no kulubula ichalichi ca ci Yuda, pakubala, pa kutila engasenda Nabwinga wa Benafyalo. Aishilemo na Naomi, nga umulebeshi ukufuma ku calo cimbi, umwina Moabu, abasenshi. Filya eflyo twali, Abenafyalo, umusenshi. Kabili ibukisheni, ena ali—ena ali no kusenda Naomi. Kabili ilyo apokele Naomi, ena asendele fyonse ifyo akwete.

¹⁷⁹ Ibukisheni, ilyo Kristu aishile, Ena tatalile alanda pa Chalichi ca Benafyalo. Cali, ukuya ku Bakwe bene, “Aishile ku Bakwe. Abakwe taba Mupokelele.” Ena lyonse ali pa Lwakwe. “Mwiya munshila ya Benafyalo. Mwiya mu Samaria, lelo mukaye ku mpaanga iyaluba iyakwa Israele. Kabili ilyo muleya, muleshimikila i Mbila nsuma, ukundapa abalwele, ukubusha abafwa, ukutamfya ifiwa. Ukwabula umutengo nga fintu mulepokelele, mulepela apabula umutengo.” Bushe ico cishinka? Abatumine, babili babili. Kabiye ni intanshi. . . Kabili Aali no kulubula cilya ichalichi. Kabili ilyo Alubwile cilya ichalichi, Asendele Nabwinga wa Benafyalo. Amen. Ico cali icakwikatilako muli cena. Mwamona? Abulile Nabwinga ilyo Alubwile ichalichi.

¹⁸⁰ Nomba, Boazi, alingile ukupanga pacintu bwingi. . . Atiile, “Bushe kuti wa mulubula?”

Atiile, “Iyo.”

¹⁸¹ Elyo alingile ukupela ubunte pacintu bwingi. Abulile ulusapato lwakwe, nokuluposa pali ena. Atiile, “Mwacimona ico. Leken i Israele onse eshibe ukutula Ni ndubula Naomi, kabili Nasenda na Ruti pamo.” Amen. “Ndebula Ruti ukuba nabwinga wandi.” Aali ni nani? Shikulu wa busomboshi. Amen. Ulya ali palya. “Nalubula Naomi, kabili Nabula Ruti. Kabili Ruti alaba nabwinga wandi.”

¹⁸² Nicinshi balandile? “Leken i ena abe nga—nga Liya na Rakelo nabena, imyeni amakana,” kabili ena nacita, ico nacilungama, “kuli Israele. Leken i ena abe muli iyo nshila.” Kabili, lolesheni, ena apangile ukweshi, ubunte bwa cintu bwingi.

¹⁸³ Cinshi ico Yesu acitile, ku kucicita? Ena alipele ubunte pa cintu bwingi. Ilyo, Satana tekuti afwile imembu pantu aali umubembu. Ena ni wishu walubembu. Lelo, Yesu, ulya Umo

uwakaele, Lesa uwa ku Muulu, Uyo uushafwile, aishile panshi no kupela ubunte pa cintu bwingi pa kufwa, ukusumbulwa pakati ka myuulu ne sonde. Ubunte ubwa cintu bwingi; bamufulile ifyakufwala Fyakwe ukufuma pali Ena, no kufikobeka pakati ka myulu ne sonde, mu nsoni. Kabili afwile, iya lubembu, imfwa iya nsoni, pa kutulubula. Ubunte ubwa cintu bwingi! Ameni.

¹⁸⁴ Ni cinshi ico Acitile? Apantile ubulungami Bwakwe umwine; apantile ubukata Bwakwe umwine. Ukutamfiwa . . . “Ninkwata amaka. Kuti nalanda kuli Taata Wandi, kabili ili line Ena kuti Antumina ba Malaika amatulwe amakumi yabili.” kuti bacinja intunga. Malaika umo nga alicitile ico. Ena nga alitile itulwe amakumi yabili. Ico nga cali ba Malaika amakana amakumi yane. Nga bacitile cinshi? Atiile, “Kuti nalanda kuli Taata Wandi, ili line, ico ni nomba line, Ena kuti Antumina itulwe amakumi yabili. Itulwe yaba Malaika bali nokwisa kuno nokupokolola ici.” Ni cinshi ico umo enga cita? Umo kuti aonaula isonde, mukashita akanono. Lolesheni fye, Ena alikwete amakana abali nokwisa. Mwamona? Lelo Ena apantile cilya. Ena abikile cilya kumbali. Abikile ubucindami Bwakwe bonse, ifintu fyonse, ku mbali, no kwisaba umubembu no kufwila imwe na Ine.

¹⁸⁵ Nomba, mukwisala, ifwe limbi kuti twasosa ici, mukwisala. Ena alicitile—ena alicitile cilya. Lyena ena asendele Ruti, kabili ena amupile ena. Kabili aishile fyala umwana mwaume uwaleitwa Obedi. Obedi aali ni wishi wakwa Yessi. Yessi ali wishi wakwa Davidi, uyo wali wishi wakwa Kristu, ameni, wishi wakwa Shikulu Yesu.

¹⁸⁶ Bushe tamulemona? Ukupitila muli bulya bulungami, ukupitila muli kulya ukusala ukwapwililika, Ena aishileba Kalubula wesu uwa Mulupwa. Lesa aishileba uwalupwa kuli ifwe, ukwisa ika no kulengwa nga ifwe, umuntunse, ukucula insala, ukucula icilaka. “Naumfwa icilaka. Mpeni Ine amenshi.” Kabili babikile umwanganshi mukanwa Kakwe, indusha. Ena aumfwile icilaka nge fyo tucita. Ena alishibe ifyakwikala ukwabula.

¹⁸⁷ Alilwele nga fintu ifwe twaba. Atiile, “Bushe bena tabalande kuli Ine umulumbe wakale, ‘Shing’anga, yundape webene?” Lelo amaka Yakwe ayakalamba tayali ayakwe Umwine. Alikwete amaka ukucicita, lelo Ena tekuti abomfye cena pa Mwine. Iyo.

¹⁸⁸ Umo umuntu atiile kuli ine, ubushiku bumbi, atiile, “Munyina Branham, ilyo icintu icili conse tacilacitika, uleshiba fyonse palwa ico icili nokucitika kuli iwe.”

¹⁸⁹ Natiile, “Icabupe tecandi ine. Tekuti ncibomfye palwandi nemwine.” Cena cenu. Nimwe mwebapokelela ubunonshi, te ine. Ndi mubomfi wakwa Lesa fye uwacintubwingi, kuli imwe.

¹⁹⁰ Kashimikila mubomfi wa cintubwingi. Ena aikatilila fye umwine kulya. Nga cananika uwa mu mpanga, ulushimu lulapupukila mukati, ukusenda iciputulwa ca luko. Ulushimu lwa buci lulapupuka no kusenda ulwakwe. Umupita nshila alasenda ifyakwe, na fyonse. Alacululuka, akasuba na ubushiku kukusunga ukubengeshima kwakwe. Kabili kapyunga wa Mbila nsuma alacita icintu cimo cine; ukwenda mu mushilwa wakwa Lesa. Alekatilila ubunte bwakwe ubwa cine, ukuti isonde lingakumako kuli ena, mwamona, Mista Kakumba Cananika. Ena musuma. Yesu atiile, “Mutontonkanyenipo. Solomoni taba nga ena.” Ico nacilungama. Dokota Cananika, Ndemona imwe bonse mwalimwishiba. Mwamona?

¹⁹¹ “Tontonkanyeni pali ba cananika bamu mabala, ifyo babomba nokushinguluka, teine. Ndelanda, kabili, libe, Solomoni, ubukata bwakwe bonse...” Cananika alingile ukucululuka, akasuba na ubushiku, pakukwata ukubengeshima kwa kusunga imingila, ukusunga umununko uusuma nefintu ukutwalilila. Kabili bambi...Ena aisula fye umwine, kabili bena besamo no kusenda cena ukufuma muli ena. Ulushimu na lunshi, ne fintu fyonse, filapitapo, ifisuma nangu ifibi, fifumya fye muli ena.

¹⁹² Ilya enshila umubomfi abelamo, uwakwa Kristu, umubomfi umwina Kristu; aisula umwine, “Sendeni fye ukufuma muli ine, isonde.” Takwaba icintu nangu cimo icakwe. Cena ca bambi. Filya eflyo Kristu aba ilyo Ena aisa ba uwalupwa kuli ifwe. Ena esa mukuba umuntu, pakutila isonde lingakumako ku bulungami Bwakwe, mwamona, no kulengwa abana bakwa Lesa.

¹⁹³ Nomba, ni cinshi ico bacitile? Bena balyupilwe, kabili ukupitila muli cilya mwaishile ici cintu icikalamba. Elyo Ruti alambwilwe, ku kukwata Kristu...nangu ukukwata Boazi nga umulume wakwe. Icili, i Chalichi calilambulwa, ilyo Ukwisa kwa kwa Shikulu kukesha, pali lulya ulucelo ulwa buta kabili ulwabula amakumbi. Tuletusha, ukulolela nomba. Cili no kwisa. Nomba, cinshi? Cena na cilubulwa.

¹⁹⁴ Nomba, icakwambula cimo nacimbi ilyo Nshilaya, kukutampa umulongo wakupepelwa. Icakwambula cimo nacimbi. Nacifwailisha, muno lucelo, ishiwi *ukulubula*. Ine fye...Njeleleniko, ba munyinane abena Arminia, lelo Ningile fye ukubikamo ici; tekucena, lelo ukulenga fye imwe ukutontonkanya. Mufwailishe *ukulubula* eflyo cipilibula. Ukulubula, kwena kwabomfeshiwe, mwi shiwi lyaci Greek, ku kusenda umusha ukufuma mu cisankano. Teti nsopele ishiwi lya ci Greek ino ine nshita, lelo lipilibula, “ukufumya umusha ukufuma mu cisankano,” ku *kulubula*.

¹⁹⁵ Umwaume nacita icintu cimo icalubana, eico, ena, shikulu wakwe amushitishe mu busha, icine cine ku mfwa. Kabili ali mu

cisankano, ena musha. Lelo umuntu alesa, umuntu uwalinga uyo wingacicita, kabili asanga uyu muntu, kabili asanga inkumbu mu cinso cakwe, ena ala mulubula ena. Ico kumufumya mu cisankano ca basha, kabili amufumya amusenda umwine. Moneni. Kabili ulya umusha, nga alubulwa umuko umo, te kuti ashitishiwe mu cisankanoo nakabili. Ameni. Tekuti ashitishiwe nakabili. Alilembwapo. Kabili nga ena alitontonkenye nganshi palwa, inshita imo, ku kulubulwa, takuli nangu umo uwinga cita, uwinga mushitisha nakabili mu busha.

¹⁹⁶ Oh, ukutotela kube kuli Lesa, ukutila ilyo umuntu inshita imo aisa kuli Kristu kabili alubulwa ku Mulopa uusuma, ciwa teti akupange umusha nakabili. Muli abacingililwa mu Mulopa wakwa Yesu Kristu mpaka ubushiku bwa kulubuka kwenu. Umusha, mukacibelenge mu Kufuma, no kusanga nga cakuti ico tacili amafunde ya bena Lebi. Ndepilibula, mu Bwina Lebi, moneni nga cakutila ayo te mafunde. Umusha, nga alubulwa inshita imo, te kuti bamushitishe nakabili mu busha. Ico nacilungama.

¹⁹⁷ Oh, Ndi uwansansa nganshi! Ndi uwa nsansa nganshi ukwishiba ukutila Kalubula wesu uwa Mulupwa, ukutila Lesa uwa ku Muulu, Uyo wali Umupashi, aishile panshi pe sonde kabili apangilwe umubili; ukupangwa nge fyo Naba, ukupangwa nge fyo imwe mwaba; kabili asendele umusango wa mubili wa lubembu, ukwabula ukwishiba ulubembu, pakutila imembu shesu shingekala pali Ena; kabili aishileba uwalupwa kuli ifwe, apele ubunte pa cintu bwingi ubwakufwa, ukulipila umutengo onse.

¹⁹⁸ Kabili u Mupashi wakwa Lesa ulepela ubunte ukubweshwa. Itempele lyalilepwike, icifimbo, ukufuma pa mulu ukufika pe samba. Tekufuma panshi ukufika pamulu, lelo ukufuma pamulu ukufika panshi; calangishe ukuti ni Lesa, Umwine eka, ewacilepwile ukucisula, ukufuma mu Muulu. Acilepwile ukufuma pamulu ukufika panshi, nokwisula inshila. Kabili namabwe ye lambo yapilibwilwe, kabili inkuba yapitile mumfifi, ulwelele ulwafulwa. Akasuba kaliwile pakati ka kasuba. Intanda shakene ukubengeshima. Kabili ifintu fyonse fyapele ubunte, “Ifwe twalilubulwa.” Alleluya!

Natupepe. [Munyina apela ukulanda kwa busesemo—Kale.]

¹⁹⁹ Ne mitwe yenu iyakontamikwa nomba, pakashita fye. Ico caciba kulanda kwa busesemo, ukwita ku chalichi, panuma ya Mbila.

²⁰⁰ Nomba nga kuliko bamo muno abo abasha Mwishiba, imyeo yenu taili iyalungama, imwe na mwitwa nomba ukwiminina pano mu cinso ca ili bumba, icinso cakwa Lesa, uku Musumina nga Kapususha wenu. Amenshi yali mu cishiba ayalubatisho. Nga umuntu umo alelelela ukutampa umulimo wa lubatisho, ili line.

²⁰¹ Ilyo tukwete imitwe yesu iyakontama, twalabula akashita nomba pa kwimba *Ndepitamo*, ne mitwe yenu iyakontamikwa nomba.

Ndepitamo, ee, Ndepitamo,
 Nkalipila umutengo pali conse bambi
 bakacita,
 Nkasenda inshila nabasulwa abanono abakwa
 Shikulu,
 Nalitampa na Yesu, kabili Ndepitamo.
 Ndepitamo, ee, Ndepitamo,
 Ndi. . .

Bushe namucipilibula icine cine ico nomba? Nga cakutila imwe mwacita ico, iseni pano nokwiminina.

. . . fyonse ifyo bambi bacita,
 Nkasenda inshila. . .

Namuipekanya ukwikatilila?

. . . cakwa Shikulu. . .

Nga Naomi uwakale?

Nalitampa na Yesu, kabili Ndepitamo.
 Ukufuma mu malimba ya ku Betelehemu
 mwaishile Umweni,
 Pe sonde Nkabila ukuba nga Ena;
 Mu bulendo bonse ubwa bumi ukufuma pe
 sonde ukuya ku Bukata
 Ndelomba fye ukuba nga Ena.
 Ukuba nga Yesu. . .

Imwe mulefwaya ukuba nga Kalubula wenu?

. . . nga Yesu,
 Pe sonde Nkabila ukuba nga Ena;
 Mu bulendo bonse ubwa bumi ukufuma pe
 sonde ukuya ku Bukata
 Ndelomba fye ukuba nga Ena.

Balikileni pali ine, Shikulu, balikileni pali ine,
 Leken i Ulubuuto ukufuma ku nga'nda ya
 Lubuuto lubalikile pali ine;
 Balikileni pali ine, Shikulu, balikileni pali ine,
 Leken i Ulubuuto ukufuma ku nga'nda ya
 Lubuuto lubalikile pali ine.

Ukuba kwati. . .

Bushe kwaliko umuntu umbi uo mulefwaya ukuba, ukucila pa Ena? Bushe umuntu umbi tekuti ese nomba no kufukama apa no uyu mwanakashi uwacaice, ilyo afukeme? Ukusenda, nga Ruti uwakale, ukusenda inshila yakwe muno lucelo.

. . . nga Ena;

Ukupita monse . . . pe sonde ukuya ku Bukata,
Ndelomba fye ukuba nga Ena.

Ukuba fye nga Yesu . . .

Umo muntu umbi ese nomba. Isa kuno nokufukama panshi, ngefyo uyu namayo acitile kuno. Bushe na mutendeka? Bushe kuti mwabika amaboko yenu mu Yakwe?

. . . Ndekabila ukuba nga Ena;
Mu bulendo bonse ubwa mweo ukufuma pe
sonde ukuya ku Bukata,
Ndelomba fye ukuba nga Ena.

[Munyina Branham aing'wing'winsha *Ukuba Nga Ena—Kale.*]

²⁰² Taata Wesu uwa mu Muulu, ilyo ichalichi cileing'winta ulu lwimbo, “ukuba nga Yesu,” uyu mwanakashi, muno lucelo, nafuma, nga Ruti. Ina Bell, ukwisa nga Ruti uwakale. Te mulandu ifyo mutengo uli, ena naisa mukulipilila cena. Te mulandu ifyo i . . . ifyo ena ali nokusekwa, nangu ukumusenteka, ena alesenda icifulo nomba, naiminina pano, ukuyebelela imembu shakwe. Ukufukama panshi, alesopa icifulo apo Shikulu umukalamba uwa busomboshi alambalele pa lupanda. Kabili kulya kukupokelela Umupashi Wakwe, inkumbu Shakwe ishalandile kuli ena nge fyō i Cebo caile, nga Naomi wakale, ukutungulula. Kabili Caumine uwalungama umo, icifulo icalungama. Kabili nomba aisa mukusenda icifulo ca wacetekela, ukufukama pa lupanda, palya apo aletumbula imembu shakwe, abika kumbali ifintu fyonse ifya kale ifya bumi, kabili aba icibumbwa icipya muli Kristu Yesu.

²⁰³ Twapepa, Taata, muno lucelo, ukutila onse umuntu uuli umweni muli cino cikulwa, umwaume onse, umwanakashi, umulumendo, nangu umukashana, uyo usha Mwishiba, mwileka ifi Fyebo fibapite, Shikulu. Tatwishibe fye ni ola nshi iyo tulingile ukwisa mu Bupingushi. Kuti caba nomba ileelo ukutila fwe bengi ifwe limbi tulingile ukwisa. Nalimo ilyo tatulafika ku ng'anda, ubusanso buli no kucitika. Lekenī . . . Ukusanswa kwa mutima limbi kuti kwatupuma. Ifwe tatwishibe. Mwe Lesa, lekeni tuipekanye, ino ola, ilyo u Mupashi uli muno, ilyo tukwete bukambone ukutila Ena ali muno, ilyo Lesa wa ku Muulu, muli fyonse ifya luse Lwakwe ulwakwishibila libela, ali pano ukutwingishamo.

²⁰⁴ Tupeleni ifyakusenamina Fyenu, Shikulu. Tumeni bambi, muno lucelo, ku cipailo, nokusumina Kristu nga Kapususha, nga ifyo uyu mwanakashi alecita nomba. Cipeleni, Shikulu. Beni abaluse kuli ena, ukwishiba ukutila abantu bakwe . . . Munyina wakwe naikala kuno kuntanshi pamo na ine. Nkashi yakwe, Wood, uwikele kunuma kulya; nyina na wishi abekele pano. Shikulu Lesa, Napepela pa luse. Cipeleni, Shikulu. Namwishiba ico Ndepilibula mu mutima wandi. Ndelomba ukuti ukusumya

Kwenu ukwa Mulopa Wenu, mu luse, kwalaisa nomba pali ino nshita. Cipeleni, Shikulu. Peleni, ilyo tulelolola bambi, lekeni bambi bese, nabo, Taata, no kuwikishiwa kuli Lesa ukupitila muli Kristu.

²⁰⁵ Kabili nomba, ilyo tulelolola nomba nokusunguka, twalaimba nakabili.

Balikileni pali ine, O mwe Shikulu, balikileni pali ine.

Lekeni lulya Lubuuto ukufuma ku nga'nda ya Lubuuto lubalikile pali ine.

Cisuma. Ee.

Balikileni pali . . .

Bushe kuti kwabako naumbi uwingesa?

. . . balikileni pali ine,

Lekeni Ulubuuto ukufuma ku ng'anda ya Lubuuto lubalikile pali ine;

Balikileni pali ine, Shikulu, balikeni pali ine, Lekeni Ulubuuto Lwenu ukufuma ku nga'nda ya Lubuuto, lubalike . . .

Ni cinshi Cena cikalenga ine?

Ukuba nga Yesu, ukuba nga Yesu,

Pe sonde Nkabila ukuba nga Ena;

Mu bulendo bonse ubwa bumi ukufuma pe sonde ukuya ku Bukata

Ndelomba fye ukuba nga Ena.

²⁰⁶ Taata Lesa, bulya mucine e bunte bwesu. Shikulu, ifwe tulefwaya ukuba nga Ena, abafuka kabili abapetama, abacefya, abasuma, lyonse ukulabelela uluse balya abalemucusha Ena no kucita icilubo. Ifwe—ifwe tulefwaya ukuba muli iyo nshila. Tule Mutotela pali uyu mwanakashi uyo uwacisa muno lucelo. Musango nshi twingeshibilamo ifyo ubu bumi buli no kwisa ba, panuma ya kashita? Nalimo ukupitila mufilubo fyakwe fyonse ne fintu mumweo, nge fyo ifwe bonse twapanga, ukumona fyena ukutumpikwa pesamba lya lyeshi luno ulucelo. Ndepepa, Lesa, ukutula uyu mwanakashi ali no kwikala umweo uwasanguluka uyo uli no kutungulula abanankwe kuli ici icakupitamo. Lekeni elekela pano, lelo akaye mu mpanga yabulayo, ukusopa icifulo no kulambalala, ukupokelela Mupashi wa Mushilo palya. Peleni cena, Shikulu.

²⁰⁷ Nga kuliko nabambi abali muno, Taata, abo abalingile ukwisa, kabili tabeshile, lekeni Umupashi Wenu wifuma pali bena. Lekeni bena bekwata ukutusha, akasuba nangu ubushiku, mpaka bena baisa, pamo, ukupanga ubusalo bumo bwine. Tekuba umunkalwe, Shikulu, lelo, O mwe Lesa, ukwishiba ico balebulisha. Ukwishiba ifyo cikaba pali bulya Bushiku, ukumfwa Ena ukutula, “Fumeni kuli Ine, mwe bakabomba ba

mampulu. Lulya lucelo, pa musebo wa Eighth na Penn Street, Nalikwitile, kabili tawaishile.” O mwe Lesa, ifyo yaba inshita iyakutinya iyo yali nokuba kulubali lwabo, ilyo twapimwa pa cakulingwa ukufina no kusangwa abamulandu. Taata, peleni ico icishili nokwisa ku uli onse Mukubapo kwa Bulesa. Leken i bonse bapusushiwe. Twalombela mwi Shina lyakwa Yesu. Amen i.

²⁰⁸ Tulefwaya ukutotela Shikulu, muno lucelo, pa busuma Bwakwe ne cikuku. Ndemutotela imwe bonse pa kushipikisha kwenu, ukulolela pamo na ine inshita iitali.

Nkashi Ina Bell. Ine . . . Nkashi Wood, uyo ni nkashi yobe, Munyina Charlie. Ico balepepelapo, kabili nefyo twapepelapo, panshita ntali. Nkashi Ina Bell, bushe kuti waimininako, pakashita fye? Ulya wakwa Nkashi Wood . . . Uwacetekelwa wesu muno muchalichi, ulya e mulamu wakwe, uyo wapokelela Yesu nga Kapususha wakwe umwine muno lucelo. Kabili mapepo yanga ayali . . . Lesa akupale, Nkashi Ina Bell. Ndetontonkanya Ninungamika ishina lyobe. Bushe ico nacilungama? Leken i Lesa alekupala lyonse, nkashi wemutemwikwa. Kabili nga tamwatata batishiwa mwi Shina lyakwa Yesu Kristu, Nde mukonkomesha ukucicita, no kupokelela Mupashi wa Mushilo.

²⁰⁹ Lesa lyonse abe naimwe, apale umulume wenu umusuma kulya. Nalimukumanya, inshiku ishinono ishapatapo. Nga Nshilubile, ishina lyakwe ni Stanley. Bushe ico cishinka? Stanley. Lesa akupale, Stanley. Ing’anda isuma, lelo Ndecetekela ikaba iyawamisha nomba ukucila lyonse. Lesa lyonse aba na imwe bonse, kabili—kabili ukumupela ukusenamina Kwakwe noluse, inshiku shonse isha myeo yenu. Kabili twalililapo pamo na Shikulu. Ube nga Ruth nomba, Ina Bell, ikatililafye fye kuli Cena. Twalilila fye ukulaenda. Inshita shimo cikakosa, nshila shikashibantukila. Lelo, ibukisheni, lolekesheni fye panshi ukutonta umushili, elyo kabili lolekesheni ku muulu, muli nokusanga umushilwa wamakasa uwa Mulopa uyo uuya kumulu kulya. Ali nokutungulula inshila.

²¹⁰ Nomba, oh, kena nakafika kale akasuba, twelufu koloko. Bushe mucili mulefwaya ukukwata umulongo wa kupepelwa? [Ulukuta lwatila, “Ameni.”—Kale.]

²¹¹ Billy, ni kwisa, musango nshi. . . ? Bushe acipela ifitupa fyakupepelwapo? Ine—Ine nshatala . . . Ndecetekela ena acinjeba ukutila acipela amapepo . . . Ukuba, cena ni cinshi? Umo muntu anjebe ifyo amashiwi ne mpendwa fyaciba. [Munyina atila, “Uyo aleisa.”—Kale.] Cinshi? [Munyina Billy Paul atila, “B.”] B. B, umu ukufika ku mwanda umo? Amakumi yasano ukufika ku mwanda umo. Cisuma. B, impendwa ya cimo. Bena bakwete. . .

²¹² Nomba, natukwata ibumba, eico ifwe tekuti . . . Twalabaleka bonse beminine, kabili twakulapitamo, ilyo Ndebapepelako.

²¹³ Nomba, nibani bashamonapo umulongo wakupepelwako? Leken i tumone amaboko yenu, tacatala aciba muli kumo

ukulongana kwandi, ku mulongo wa kupepelwa. Oh, owe! Mulibengi.

²¹⁴ Ukuba, nomba, ifwe kuti twapepelakofye abantu, nangu kuti twakwata ukulingulula, nangu ukukana kwata amapepo nangu yamo nakalya; ukubetafye, mwibumba. Tacilesakamika. Mupashi wa Mushilo ali pano. Ee, mukwai. Lelo natwiminine mumulongo wakupepelwa.

Inambala ya cimo, ninani uukwete inambala ya cimo, icitupa ca kupepelwapo B? Inambala- . . . Amakumi yasano. Njeleleniko. Tapali nangu umu uukwetepo cimo, ifyo fine. Cisuma. Icitupa cakupepelwapo amakumi yasano, nani ukwete? Isa kuno lubali, mukwai. Icitupa cakupepelwapo icabubili . . .

Amakumi yasano na cimo, amakumi yasano na fibili. Icitupa cakupepelwapo amakumi yasano na fibili. Cisuma. Amakumi yasano na fitatu. Amakumi yasano na fitatu. Cisuma. Amakumi yasano na fine.

Iseni uku lubali, *kuno* kwine. Nga muli kunuma, iseni kuno lubali, *kuno* lubali.

Amakumi yasano na cimo, amakumi yasano na fibili, amakumi yasano na fitatu, amakumi yasano na fine. Nani akwete amakumi yasano na fisano, icitupa cakupepelwapo amakumi yasano na fisano? Namayo, *kuno* kwine. Icitupa ca kupepelwapo amakumi yasano na mutanda.

Iminineni, mumbali yacibumba, *kulya* lubali, nga kuti mwacita ico.

Amakumi yasano na cine lubali, amakumi yasano na cine konse konse, amakumi yasano na pabula, amakumi mutanda. Amakumi mutanda na cimo, amakumi mutanda na fibili, amakumi mutanda na fitatu, amakumi mutanda na fine, amakumi mutanda na fisano.

Busty, pilibukila muli ako kashila uko kwine, munyina, *apo* pene. Cisuma. Pilibuka.

Nibanga abashikwete icitupa ca kupepelwapo, kabili mulefwaya Shikulu ukumundapa? Imyeni ukuboko kwenu. Cisuma. Ico ecofye mulingile ukucita, cetekeleni fye ico nomba. Cetekeleni fye. Cisuma.

Amakumi yasano na mutanda. Bushe Nacikwata ico? Amakumi yasano na cinelubali, amakumi yasano na cinekonse konse, amakumi yasano na pabula, amakumi mutanda. Lekeni beminine.

Amakumi mutanda na cimo, fibili, fitatu, na fine, fisano. Lekeni beminine. Amakumi mutanda na mutanda, amakumi mutanda na cinelubali, amakumi mutanda na cinekonse konse, amakumi mutanda na pabula, amakumi cinelubali. Lekeni beminine.

Nshilefwaya bena bonse ukwisa panshita imo, emulandu Ndeitila impendwa, ukufika ku makumi cinelubali.

Amakumi cinelubali ukushinta pamakumi cinekonse konse, iminineni. Iseni kuno lubali, *ulu* lubali, amakumi cinelubali na makumi cinekonse konse. Cisuma. Cimo, fibili, fitatu, fine, fisano, mutanda, cinelubali, cinekonse konse, pabula. Cisuma.

Amakumi cinekonse konse ukufika ku makumi pabula, iminina *kuno* lubali. Doc, iwe ubafwilishe bena kunuma uko, nga kuti wacita. Amakumi cine konse konse ukufika ku makumi pabula, iminineni kuli *ulu* ulubali.

Amakumi pabula ukufika ku mwanda umo, iminineni kuli *luno* lubali, kuno lubali. Cisuma.

²¹⁵ Ilyo bena baletantama, Ine kuti nafwaya ukwipusha ichalichi icintu cimo. Nibanga abeni abali muno, abashatala isapo mukulongana kwandi kumo? Nibanga muli imwe? Nibanga baishiba ukutula takuli umuntu uwingondapa umubiye, nangu nikuli dokota? Iyo, mukwai. Dokota te kondapa. Ena afwilishakofye icifyalilwa. Lesa e kondapa. Mwamona? Dokota kuti abika ukuboko, lelo teti ondape ukuboko. Dokota kuti afumya ubula, lelo tekuti ondape incende apo aputwile. Dokota kuti afumya ilino, lelo tekuti akanye ukusuma kwa mulopa, nangu ukuliposha lyena. Lesa afwile acita ico. Nacilungama.

²¹⁶ Nibanga abaishiba ukutula, lintu Yesu ali pano pe sonde, ukutula Talelandapo pakuba kondapa? Ena aali Muntu. Atile, “Te Ine momba imilimo, lelo Taata Wandio uwikala muli Ine, Eubomba imilimo.” Bushe ico tacilungeme? Nibanga baishiba ukutula, lintu Aali pano, cinshi, musango nshi. . . Musango wa bupyangishi nshi Akwete lintu Ali pano? Acitile ico Taata amulangishe Ena ukucita. Bushe ico nacilungama? [“Ameni.”] Nibanga abaishiba, abaishiba ico? Yohane Washila 5:19, Atile, “Icine cine, cine, Ndelanda kuli imwe ukutula, u Mwana tekuti acite icintu mu Mwine eka, lelo ifyo Amona Taata alecita.” Bushe ico nacilungama? [“Ameni.”] “Eficita Umwana, pamo.”

²¹⁷ Nomba, kanshi, bushe Yesu Kristu aba cimo cine mailo, ileelo, nomuyayaya? [Ulukuta lwatila, “Ameni.”—Kale.] Bushe namucetekela ico, nomutima wenu onse? [“Ameni.”] Ena aba cimo cine mailo nomuyayaya. Bushe mulecetekela, ukutula, Yesu Kristu aba cimo cine mailo nomuyayaya, ukutula ico cilepilibula ukutula Ena mucine aba cimo cine? [“Ameni.”] Cisuma.

²¹⁸ Musango nshi Ena abela cimo cine? Icintu cimo cine mwifunde lyonse. Bushe ico nacilungama? Ena ni Lesa umo wine, Kondapa umo wine, u—Kapususha umo wine. Ena aba cimo cine, imibele imo ine. Ico cilifye cimo cine. Bushe ico nacilungama? Cimo cine. Cisuma. Kanshi, nga Ena ali cimo cine, kabili aba cimo cine, Ena ali nokucita nokubomba cimo cine. Bushe ico nacilungama? Nomba, nibanga baishiba ukutula e Cine?

219 Nalasenda fye akashita kanono. Ndelolela. Cena tacilemoneka, kuli ine, ukutula balya bantu makumi yasano abeminine kulya. (Cimo, fibili, fitatu, fine, fisano, mutanda, cine lubali, cine konse konse, pabula, ikumi limo na cimo, ikumi limo na fibili, ikumi limo na fitatu, ikumi limo na fine.) Iyo. Bambi limbi nabaya kung'anda, munshita ifumineko. Nacimona abantu bamo baya kunuma kulya. Cisuma, aka akanono fye, akamulongo akepi. Nibanga abenga temwa ukukwata ici? Nibanga abeni kuli ine, muli uyo mulongo? Imyeni ukuboko kwenu, nga namwishiba ukutula Nhaishibapo nangu cimo palwa imwe. Imyeni ukuboko kwandi . . . kwenu.

220 Nibanga kunse uko, abeni, abeshibe ukuti Nshaishibapo nangu cimo pali imwe? Imyeniko amaboko yenu, ukuti namulwala. Cisuma. Nibanga abenga temwa ukumona umushilwa wa kulingulula, pakutula twinga angufyanya fye nokupwisha? [Ulukuta lwatila, "Ameni."—Kale.] Bushe kuti mwaatemwa . . .? Nomba, cena tacilesakamika. Kuti nabapepelako, baleteni mumulongo. Nangu, kuti baikalako, kabiyenifye nokwikalako. Tacisakamika. Mupashi wa Mushilo kuti acilingulula, umusango fye umo wine. Bushe mulecetekela ico?

221 Nomba, kanshi, nga ico cili ifyo, lyena beni fye tondolo, pakashita fye. Inshita ileya ilepwa panono, eico mwikalefye ifyo fine, pakashita akanono. Ndefwaya ukumwipushako icintu cimo nomba.

222 Ine limbi kuti naba pacisoselo icalubana pano. Fyonse fibili filebomba? Fyonse fibili nafikobwa, cisuma, *ici* naco? [Munyina atila, "Ee."—Kale.] Cisuma.

223 Nomba, mubefye tondolo, pakashita akanono. Ine nalalolesha pali uyu umulongo, ukumona nga cakutula Nalishiba umuntu onse.

224 Ninjishiba ulya muntu uwiminine *palya*. Nomba, Ninjishiba Earl. Earl, Nalikwishiba, Earl Colvin. [Munyina Earl Colvin atila, "Nshili mumulongo wa kupepelwa, nangula, Munyina Bill. Ndetele cibusa wesu ukufuma ku Jeffersontown."—Kale.] Oh, ee, ee, umwaume pamulu pano. Bushe ulya e muntu uo twalungilepo nankwe, mulya mu Colorado? ["Imwe nalimo tamwatwishibe, twalyonda nganshi."] Oh, owe! Ine mucine nshicita. Ndecetekela Earl alinjebele ukutula wali umulwele nganshi, kabili iwe waisa. Nomba, nga teti wiminine inshita iitali, lekeni umuntu umo amutwale icipuna kulya. Nangu, bamo pali bena—bamo pali bena beme nokumupela icipuna palya pene mupepi, cena calabafye bwino, pantu umuntu nalwala nganshi. Owe! Ena nalusa nalimo ama paundi umwanda nangu ukucilapo, aya kufina. Kabili—kabili ena—ena mulwele nganshi. Nomba lekeni fye ena ekale palya. Tendekeni uku Mutotela, kulya, munyina.

225 Nomba lekeni ndoleshe panshi. Nomba, Earl aiminine fye pamo nankwe. Nomba, *uyu* muntu, eminine kunuma kulya, alendolesha, afumine ku La—LaGrange, ku Kentucky. Nshaishiba ishina lyakwe, lelo Ine—Ine—Nalikwishiba. Kabili uyo ni Munyina na Nkashi Kidd kulya. Nalibeshiba. Kabili uyu namayo, cisuma . . . Bushe ulya ni Nkashi Rook? Nangu . . . [Munyina Neville atila, “Nkashi Hardy.” Nkashi atila, “Nine Nkashi Taylor . . . ? . . . na Hattie.”—Kale.] Noyu mwanakashi pano, ukufuma ku Sellersburg, Ndecetekela, ni mpofu. Bushe ico nacilungama? Cisuma.

226 Ndetontokanya ebonse, mumulongo, abo Naishiba. Oh, ee, uyu cibusa musuma, Busty Rodgers, muno, ukufuma kulya ku Milltown. Kabili mu mulongo, Ndemona abashala tatwaishibana. Nomba, ico cili kuli Lesa, ukulingana nge fyo Naishiba, bena beni tatwaishibana.

227 Nomba lekeni mone mwibumba. Nomba, imwe—imwe mwe beni kuli ine, mwe balwele, imyeni ukuboko kwenu, kabili, namwishiba, bushe namukwata icakulomba mumutima wenu. Imyeni ukuboko kwenu, konse kuntu muli. Aba Njishiba . . . Cisuma. Cilifye bwino. Cilifye konse, ukushinguluka, konse konse.

228 Nomba, nomba, cena tacamucene, ukulolela fye pakashita nangu yabili ukucilapo. Ndefwaya ukumipusha ilipusho lyakatina. Ningile ukwisa kunuma kuno, pa kutila mumfwe. Ndefwaya fye ukumwipusha icintu cimo. Nomba, ishi Mbila isho Ndeshimikila, bushe mulecetekela shena ukuba Icine? [Ulukuta lwatila, “Ameni.”—Kale.] Imwe, mucine, imwe tekuti mwise kuno nga tacali ifyo.

229 Nomba, bushe Lesa kuti acita icintu cimo icaba ngefyo ukwabula ukumpela itontokanyo limo pafyo Nalecita? Ena mucine tekuti acite ico. Mucine, Ena tekuti acite ico. Nomba, nga Ena alicitile ico . . .

230 Nomba, Ine ndelanda ukutila Yesu Kristu tacinja. Imfwa yakwe tayamucinjishe Ena; yena ya mucindike Ena. Kabili Abukile, pabushiku bwalenga shitatu, kabili aninine ukuya mu Muulu. Kabili Atumine Mupashi wa Mushilo, uyo wali ni Lesa, e Mupashi wa Mushilo uwali pali Ena. Bushe bonse mulecetekela ico? Kabili Yesu, ilyo Aali pano pesonde, Atile, “Imilimo iyo Ncita, na imwe mukacita. Pakashita akanono, kabili *isonde* talyaka Mone nakabili.” Ubo ebutantiko bwesonde, namwishiba, ichalichi fye icishacetekela nabonse. “Bena tabaka Mone nakabili. Lelo, imwe muka Mona.” “Imwe,” ico e Chalichi, uwacetekela. “Pantu Ine . . .” *Ine* kulumbula kwa umo. “Nkaba na imwe, kabili muli imwe, mpaka kumpela yesonde.” Kabili ici Greek kwaba *ukupwishisha*, ico cipilibula, “impela yesonde.” “Nkaba naimwe mpaka kumpela yesonde. Kabili imilimo iyo Ncita na imwe mukacita.” Bushe ici Cishinka?

²³¹ Nomba, twalikwata ba Baptisti, ba Methodisti, ba Protestanti, naba Katolika, kabili—kabili nangula aba Yuda, abekele muno muno lucelo. Kabili twalikwata Chalichi cakwa Lesa, ba Nazarene, ba Pilgrim Holiness, Inte shakwa Yehova, fyonse fyena ifilonganino ifyapusana fyali mininweko. Ndelolesha konse konse, ukulolesha pali fyena. Ba Methodisti, ba Lutherani, ba Pentecosti, imisango yonse iya pusana pusana, ilyo Ndelolesha konse konse, ukumona abantu abo Naishiba. Kabili bonse beni abafumine kunse ya musumba. Branham Tabernacle cintu cimo icinono, muno mu—mu musumba, lelo yapangwa ukufuma mwisonde.

²³² Nomba, lekeni fye tusende ici, no kutontonkanya bwino nganshi, ukutontonkanya, ukusoma, ukuba nakatina, nokwipusha ili lipusho. Kanshi, nga Ena tafwa, lyena imicitile Yakwe kuli imwe nokulola kubalwele kuti yabafye cimo cine ileelo nga fintu yali mailo. Nomba nimumusango nshi Ena apangile imibele Yakwe mailo? Ici, “Ine kuti, nga cakutula iwe wacetekela.” Bushe ico nacilungama? “Nga cakutula iwe wacetekela.”

²³³ Umuntu atile, “Shikulu, kwateni uluse pali ifwe.” Atile, “Umwana wandi alacushiwa munshila ishapusana pusana na ciwa. Na muletele ku basambi benu, kabili balepunda nokubilikisha, nefintu fyonse.”

²³⁴ Atile, “Kuti nacita, nga wacetekela. Nga wacetekela, kuti Nacita.”

²³⁵ Nomba moneni. Musango nshi Yesu acitilemo? Aali ni Cinshi, mailo? Ena Apyungile munshila nshi? Nomba, ici camweni nomba, Ndelandako. Lekeni tumone ifyo Ena aali, mailo. Sendeni fye nalimo amaminiti yatatu, twalaambula, incende shibili.

²³⁶ Ilyo bukapyunga Bwakwe bwatendeke ntanshi, kwaliko umuntu umo uweshina lyakwa Andrew, umulondo we sabi, alipilibwilwe, ukucetekela pali Ena, kabili alile nokuyasenda munyina, uwitwa Simone. Muleibukisha ico? Amuletele kuli Yesu. Aali umulondo wesabi umututu, ena tekuti alembe neshina lyakwe umwine. Kabili ena aishile ku cinso cakwa Yesu. Kabili Yesu amuloleshe, kabili atile, “Ishina lyobe niwe Simone. Niwe mwana Yona.”

²³⁷ Nibanga baishiba ukutula ayo Malembo? Balishibe ukutula ulya aali ni Messiya, pantu Ena aali... Lesa alilaile. Mose alilaile, ukutula, ilyo Messiya akesa, Akaba Kasesema. Bushe ico nacilungama? Kasesema Messiya. Kabili Aliloleshe, kabili Atile, “Ishina lyobe niwe Simone.” Kabili atile, “Bawiso bali niba Yona.” Kabili alishibe ukutula ulya aali ni Messiya.

²³⁸ Umwanakashi pa cishima, ico calo cimbi ica bantu. Nomba, aba Yuda fye beka nabena Samaliya bali Mupokelele. Abenafyalo, ninshi tatulaingilamo nakalya, ibumba lyakwa Ruti.

Nomba, umwanakashi pacishima, uyo uwali umu Samaliya, aishilesenda amenshi. Yesu atile, “Iwe Mpelako amenshi nwe.” Cinshi ico Acitile? Alandile kuli ena, pamofye ngefyo Ningalanda kumuntu umo umo mwibumba. Atile, “Ndetelako Ine amenshi.” Bena tabatalile abakumanapo.

²³⁹ Kabili atile, “Mulandu nshi, tacaba mulutambi, twalikwata ukupatululwa muno.” Nga fintu bakwete ku Masamba, kubantu bafita abanensu nefintu, lelo tabacikwata ico pali nomba. Ukutotela kube kuli Lesa, pali ico. E ico Atile. . . “Twalikwata ukupatululwa kuno. Cinshi, tacaba mulutambi kuli Imwe. Imwe muli ba Yuda.” Yesu aali mu Yuda. Ena aali mwina Samaliya. Atile, “Cena tacaba mulutambi kuli—kuli Iwe ukulomba ine, umwanakashi umwina Samaliya, ifya musango uyu.”

²⁴⁰ Atile, “Lelo, we mwanakashi, nga walishibe Uo ulelandako, nga Wanomba amenshi.”

²⁴¹ Ico caimike ulya namayo umusuma. Kabili ena ainwike nokutula, “Mulandu nshi, Imwe tamukwete icakutapilako. Icishima cintu cashika.”

²⁴² Atile, “Amenshi Mpela Mweo wa muyayaya.”

²⁴³ Kabili mukulekelesha Asangile ifyo ubwafya bwakwe bwali. Nibanga abaishiba, abeni, abaishiba ifyo ubwafya bwakwe bwali? Akwete abalume basano. Eico cinshi ico Alandile kuli ena? Atile, “Kabiye, kalete umulume obe nokwisa kuno.”

²⁴⁴ Ena aloleshe pali Ena. Atile, “Nshakwata umulume.”

²⁴⁵ Atile, “Naulanda bwino, pantu walikwetepo basano, kabili na uyo untu uleikala nankwe pamo nomba temulume obe.”

²⁴⁶ Atile, “Mukwai, Nimona ukutula Muli kasesema. Nomba, twalishiba, ilyo Messiya akesa,” (Uyo ni Yesu.) “ilyo Messiya akesa, Akatweba ifi fintu, pantu twalishiba ukutula Akaba ulya wine Kasesema. Twalishiba ukutula ilyo Messiya akesa, Akacita ici. Lelo Niwe Ani?”

Atile, “Nine Ena.”

²⁴⁷ Kabili pali ico, ena abutukile mumusumba nokutula, “Iseni, mumone u Muntu, Uunjebele fintu Nacita: Bushe Uyu te Messiya wine?”

²⁴⁸ Nga cakuti cali icishibilo cakwa Messiya mailo, kabili Ena aba cimo cine ileelo, cena cintu cimo cine ileelo. Nomba, bushe imwe mwe beni mulecetekela cilya? Nomba, ico cenu muli mumulongo *muno*.

²⁴⁹ Nomba, kuli abo bali uko kunse, Ilembo fye limo, pakutula mwingakwata icintu cimo icakwimininapo. Nibanga abacetekela ukutula Ena ni Shimapepo Mukalamba nomba, uyo uwinga kumishiwa ne myumfwile yamafya yesu yonse? Ifwe bonse. . . [Tapali amashiwi pali tepu—Kale]. . . ? . . .

Shifwe uwa mu Muulu, Uyo uwanjishiba, alishiba, ukulingana nge fyo Naishiba, Nshatala monapo umwaume. Nomba ena limbi alimwene ine kabili Ine limbi nali mumwene, lelo nga cena calicita Nshaishibapo nangu cimo palwa cena. Pantu, Nalyenda mwisonde lyonse, inshita, ukupepela abalwele nefintu, kabili Ine—Ine limbi nalimukumenye ena pacifulo cimo, nangu nalimumwene ena, nangu icintu cimo, Nshishibe. Lelo nangu cibe fyo, Nsha—Nshaishibapo nangu cimo palwa ena. Ico cishinka. Bushe ico nacilungama, mukwai? Icakuti abantu bshibe. Mwamona? Cisuma. Nomba, uyu umwaume eminine pano pamulandu umo. Nomba ulya umwaume umulunshi, Efferson, nangu, onse-...Cisuma. Ndefwayafye ukucimona. Nikwisa ukuli ulya, nikwisa ukuli Busty Rodgers? Emininefye palya. Nomba pano, nomba Busty, walinjishiba. Mista Efferson, namwishiba (Bushe ico nacilungama? Efferson? Ee.), iwe walinjishiba, ifwe twalelungila capamo mu Colorado, Ine—Ine ndi muntu. [Pali tepu tapali amashiwi—Kale.]

²⁵⁰ ...Umuntu alecula ukufuma ku mibeke yakusakamana nomwenso. Ubo ebwafya nankwe; pantu walikwata umushipa wakwisamba (Ico nacilungama.), alema munshita yabushiku, nafimbipo. Ufumine ku Ohio. Kabili waba muchalichi cakwa Munyina Sullivan nangu uya kulya. Namona Munyina Sullivan naiminina pano. Wishile na Kidds; emuntu wacisa nao. Ico nacilungama. Cisumapali ino nshita uleumfwa ifyapusanako nomba. Nacikulekelako. Nomba, iwe kuti waya ku ng'anda; icicetekelo cobe ecikundepe. Nomba, Lesa akupale.

Nomba bushe ulecetekela?

²⁵¹ Nomba Nshamishiba, bataata. Icinso cobe cilemoneka icaishibikwa kuli ine, lelo icakukwishiba, Lesa mu Muulu ewishibe, Nshaishibapo nangu cimo palwa iwe. Nshishibe icilubene naiwe. Tekuti nkwate inshila yakwishibilamo icilubene naiwe. Uli muntufye wewiminine apo. Kabili naukwata icitupa cakupepelwapo, pa...cacikwata impendwa pali cena. Kabili iwe fye...Umulumendo ewacikupela cilya citupa, kabili wacitwa fye kuno mumulongo wakupepelwa.

²⁵² Nomba, lolesheni fye ifyo cena cilepangika. Mwamona, pali iyo ine inshita imo, ico ckoselako, calicita ifingi kuli ine, iyo inshita imo, ukucila inshita yonse iyo Nacilashimikila muno lucelo. Icintu cimo cilecitika. Mwamona? Icintu cimo cilecitika.

²⁵³ Mulumendo, mucine tawishile muno pamafya yobe. Wishile muno pamuntu umbi, kabili uyo mwana umunono. Kabili no mwana tali pano; ali mucalo camalungu: ica Kansas. Alikwata fimo ifyapala cipumputu. Umusamfu efyo waba, paliba imfifi pa mwana.

²⁵⁴ Waliba nokwampama kumo, nangu, iwe uli...kuli Strickers. Bushe bonse tamwaupile ba nkashi, nangu icintu cimo icaba ngefyo? Ico nacilungama. Bushe naucetekela? Nomba ena tali

nokukwata ifyakumwikata, nga cakuti wacetekela nomutima obe onse. Nga fintu ucetekele, eflyo cibe ku mwana. Kabiye nomba kabili witwishika ico.

Nomba ulecetekela no mutima obe onse? Imwe bonse mwe bantu? Mwebalepepelako umuntu umo. Pepeni no kuleka Lesa apele.

²⁵⁵ Ulya namayo ekele palya, alepepelako ulya mayo senge, nakwata ipwalonda; mulya mwine. Ulecetekela nomutima obe onse, kunuma uko, bushe mulecita ico? Nshakwishiba. Nshatala nkumonapo mu mweo wandi. Lelo ilyo wacumfwa ine ukweba ulyo muntu pacintu cimo ico aletontonkanya, palwa kwa lupwa, uwaishile kuli iwe. Nomba, ulecetekela nomutima obe onse?

²⁵⁶ Nomba, ni cinshi ico akumishe? Ndefwaya imwe bamo mwe bantu, munjebe ifyo ulyo mwanakashi akumishe. Ali amafiti amakumi yabili ukufuma kuli ine tacinkumya, lelo acikata ulya Shimapepo Mukalamba. Wamona, Busty? Wamona, mukwai? Acikumya Kristu. Kristu alesa no kunjeba ifyo aleywaya, nomba apokelele ifyo acipusha.

Umwanakashi, Nshamwishiba uyu mwanakashi. Mweni kuli ine. Bushe ico nacilungama? Tatwaishiba. Nshatala mumonapo mumonapo mumweo wandi nga fintu Naishiba, lelo Lesa alimwishiba. Nga Lesa kuti anjeba icintu cimo palwa iwe nga filya Ena acitile kumwanakashi pa cishima, ukusokolola icintu cimo icili mu mutima obe, bushe walacisumina, nokucetekela ukutila cena tekuti cibe nine, ngo muntu, ukukweba ico, cena kuti—cena kuti caba Lesa? Kuti wacetekela ico?

²⁵⁷ (Nomba, bushe aba babili, nangu nibanga aba? Twacikwata kale batatu? Babili? Babili? Cisuma. Cisuma.)

²⁵⁸ Namayo nakwata icinshingwa camfwa. Pali icinshingwa icafita pali ena, ico ena akwete ipwalonda. Ico nacilungama. Dokota alimweba ukutila cena lipwalonda lyapamukoshi. Ico nacilungama, imya ukuboko kobe. Iwe ufumine ukutali nakuno: Iowa. Wacetekela? Iwe naukwata u, limbi umwana umwaume, nangu, ena mwishikulu, kabili nakwata icintu cimo icilubene na menso yakwe, kabili ulemupepelako. Bushe ulecetekela Lesa kuti anjeba ishina lyobe? Misisi McKee, nomba bwelela ku ng'anda yobe, nokuba uwaundapwa. Yesu Kristu akuposha.

Bushe ulecetekela nomutima obe onse nomba? Nshatala mumonapo uyu mwanakashi mumweo wandi. Cinshi icicita ico?

²⁵⁹ Pakashita fye. Akatina, pakashita fye. Ndelolesha fye kuli namayo uwafita uwikele kuno kunuma nganshi; kabili lulyo Lubuuto, ulo mumona pali cilye cikope, lulelela pali ulya namayo uwikele kunuma kulya. Ncetekeleni ukuba kasesema Wakwe, nkashi. Mulepepelako umulume wenu pa ncende yamfwa mu Cipatala caba Shilika bakale; ico ni EFYA SOSA SHIKULU. Cetekela nomutima obe onse nomba; ena alapola.

Ni cinshi ico akumishe? Ulya palya namayo, namayo wafita, umwaume uwa buta, ngo mwanakashi pacishima. Ni cinshi ico akumishe? Yesu umo wine. Ena te namayo umo wine, namayo uwafita ali, nangu, umwanakashi umwina Samaliya ali; ena mwanakashi umbi. Ine nshili Yesu, umuntu umo wine; Ine ndi muntu umbi. Lelo ena untu wacetekela muli Yesu Kristu, nga fintu umwanakashi acitile; kabili Ndi uwacetekela kabili mubomfi Wakwe, kabili Umupashi umo wine eulebomba muli bunu bushiku. Kristu tafwa, Ena wamweo. Nshatala mumonapo nangu ukumwishiba mu mweo wandi. Nomba, mwamona, tamufwile ukukwata icitupa cakupepelwapo pakuba pano. Imwe kwatenifye icicetekelo muli Lesa. Bushe ico tacilungeme?

²⁶⁰ Nomba Ninjishiba ulya namayoi palya, lelo Ninjishiba ico alepepelako: ulya umwana. Naucetekela (kwisamba kumasamba), nga kuti wacetekela nomutima obe onse, alaundapwa.

Nga palwa iwe? Tatwaishibana umo no mubiye. Uli fye umulumendo. Nshatala nkumonapo mumweo wandi. Ulecetekela ukutila Lesa kuti anjeba ifyo ubwafya bobbe buli? Nga Ena alacita, bushe calakwafwilisha? Mucine.

Nomba, fye, muletwalilila ukucetekela kunse kulya. Mwamona?

²⁶¹ Ubwafya buli mu mukoshi obe. Iwe walikwete ubusanso bwa motoka. Wabwela ukufuma ku kapinda ka kukuso. Wasangwa ku Bedford, Indiana. Ico cacine. Bushe ico cacine? Lyena imwe—imwe mulecetekela umukoshi wenu uli nokuba fye bwino? Ilyo mulecetekela, cibe ifyo fine kuli imwe. Bweleleni ku ng'anda no kupela Lesa amalumbo. Ondapwe.

Uli shani, mukwai? Ulecetekela ukuti Lesa kuti asokolola kuli ine ubwafya bobbe? Ulacushiwa ne—nefyakumfwa ububi, calilenga wakwata ifyamumala; mubula bukalamba, ukukalipwa kwamumala. Iwe mucine cine wafuma ku California. Ico nacilungama. Ulecetekela Lesa alishiba ifyo waba? Mista Murray? Nacilungama, cena nacipwa nomba. Bwelela ku ng'anda kumobe; cetekela Ena nomutima obe onse.

Bushe tuli beni kuli umo nomubiye? Nshakwishiba, na Lesa. . . Nshakwishiba kabili tawanjishiba. Ifwe tatwaishibana, bushe ico nacilungama? Nga cakutila Lesa asokolola kuli ine icintu cimo palwa iwe, bushe walancetekela ukuba kasesema Wakwe?

Bushe bonse imwe mwacetekela? Ine. . . Cena mulenenga ukuba mucine, uwanaka nganshi nomba, mwamona. Cetekeleni fye nomba. Ndifye. . . Ukusubwa kuli pano. Namwishiba ico, bushe tamwishibe? Na—namwishiba ukuti kuli—kuli pano, mwamona. Mupashi wa Mushilo ali pano nomba nga kuti mwa. . . Natampa ukunaka Ndefilwa ukumimona uko nomba. Mwamona? Imwe. . . Nga cakutila umulandu umo walengele

Yesu ukunaka, kuti cine lubali nangu cine konse konse, amafya ikumi pano, ayo twakwata, pano, mwibumba? Basano nangu mutanda nangu cine lubali kuno pa cintamba pamo na batatu, nangu bane, nangu basano, kunse uko. Mwamona? Cilemfisha pancende epo Ndefilwa ukumona. Cilemoneka kwati ibumba lyonse kwati lileba ilyabutulukila. Nga kuti mwailuka ukutila kufina kwa Mupashi wa Mushilo ekuleisamo. Ulo e lulyo Lubuuto, kulya, luleshinguluka mu cikulwa. Mwamona, Lwena efyo luli, Alemileta mwibumba, mucifulo.

Nomba, ukuba uyu namayo uwiminine pano, kuli imwe mumulongo wakupepelwa nomba: Nga Lesa alasokolola (Pano, Ninjimya amaboko yandi pa mulu, Nshatala monapo uyu namayo, nshaishibapo nangu cimo palwa ena.), nga Lesa ali no kusokolola filya fine, lekeni, ifyo ena acita, nangu ifyo ena ali, nangu, cisuma, icintu cimo na cimbi palwa ena, bonse imwe mwacetekela, nomba, ico cili, Lesa alacita ico? Bushe walacetekela ico? Kabili bushe iwe—bushe iwe kuti wapokelela? Bushe walacetekela ukutila walaba nomweo nomba? Bushe iwe. . . Ifyo fine Nalishiba ubwafya bobo, Nalishiba ubwafya bobo, ubobe, bwena tabwafiswa. Mwamona? Lesa eusokolola ifyo fintu, lelo nga iwe mwalacetekela fye.

Nomba, Nalaisa nokubika indupi shandi pali iwe pantu Ndeba mucine, mucine uwanaka. Kabili Ninjishiba mukashita akanono, cisuma, Ine—Ine tekuti mone nakabili, mwamona.

²⁶² Nomba, ulecetekela no mutima obe onse. Nomba ibukisha, te ine. Uuli onse alishiba ico. Cena Mupashi wa Mushilo. Uh-huh. Nomba, nga kuti fye Naikata umupashi wakwa namayo. Ico cintu cimo cine ico Yesu acitile. Ukwesha ukwikata umupashi wakwe, Atile, “Iwe Ndetelako amenshi nwe.”

Pano pali umwaume no mwanakashi, nga fintu cena cali. Nomba, iwe uli mwanakashi umwaice, umwaiceko nganshi ukucila Ine. Nomba, nalimo, nalimo uyu mwanakashi ali uwacaice ukucila Yesu. Aali nalimo imyaka ya kufyalwa amakumi yatatu na itatu; kabili nalimo ena tali lelo ikumi limo na cinekonse konse nangu amakumi yabili, umwanakashi fye uwacaice. Kabili ena—ena—ena taishibe ifyakulanda lelo lintu Alandile kuli ena Atile, “Mpelako amenshi Inwe.”

Nomba Taata Amutumine ku Samaliya. Ena ali mubulendo Bwakwe ubwakuya ku Yeriko, lelo Ena aile ukushinguluka Samaliya; ico cili pa mulu wa lupili. Cinshi ico Acitile ico? Atile Alikwete ukukabila ukupita. Taata ali Mutumine kulya. Ukuba, Aishile fye nokwikala panshi, nokutuma abasambi mumusumba kukusendako icintu cimo icakulya. Kabili namayo uyu umusuma aishile mukutapa amenshi, kabili Taata afwile atile, “Ndemwita ena.”

Atile, “We mwanakashi, Mpelako amenshi.” Kabili ukulanshanya kwatendeke. Nomba, icintu cimo cine pano.

Bushe mwacibika ukuboko kobe pe koti lyandi? Umo pali imwe? Iyo mukwai. Lesa mu Muulu naishiba ukutilla Icintu cimo cacikumya lilya, ilyo. . . Nacitontonkanya ukkutilla ni Billy acilanjeba ukuya. Mwamona. Ine—Ine—amaboko yandi, Lesa naishiba ukutilla ico cishinka. Icintu cimo cacinjikata nga filya kabili Nacitontonkanya ukutilla ni Billy acilanjeba ukutilla, “Kabiye.” Mwamona, Ine—lintu waba ngefi, tekuti wishibe, tekuti wishibe inshita yakuleka nangu ifyakucita. Mwamona? Iwe uli fye mupepi no kufulungana. Ni cinshi ico Nacilalandapo? Mwanakashi pa cishima.

Kabili nomba panuma Asangile apali ubwafya bwakwe, kabili Atile, “Kabiye, kalete umulumbe obe.”

Atile, “Nshakwata nangu umo.” Kabili Alimwebele, atile alikwete basano.

Nomba ena atile, “Ine nailuka ukuti Muli kasesema. Nalishiba ukuti lintu Messiya akesa, Akatweba ifi fintu.”

Nomba bushe ulya kuti aba Messiya umo wine ileelo, nga kuti Namweba icintu cimo, icintu cimo ico cili icalubana? Nga Lesa takwafwe, uli nokufwa. Naukwata ipwalonda. Nomba, naucetekela Lesa kuti anjeba apabelele ipwalonda? Lili mucisa. Naucetekela ukuti Lesa naishiba untu waba? Ulecetekela Lesa alishiba uko wafuma? Iwe ufumine ku Illinois. Iwe uli—iwe ishina lyobe ni Missi Johnson. Bwekelamo nokuba nomweo. Yesu Kristu akulenga ukuba uwaundapwa. Naucetekela nomutima obe onse? Leken i fye. . . Leken i abe no mweo. . . ? . . . Ulya e mulandu wine Nacimwebela ukutilla ube nomweo.

Taata mu Muulu, mwi Shina lyakwa Shikulu Yesu, Nabika indupi shandi pa mwanakashi nomba; ukusubwa kwa Mupashi wa Mushilo kuli pano. Mundapeni ena, Shikulu, mwi Shina lyakwa Kristu, Yesu.

Lesa Watemwikwa, pali munyinefwe umusuma, untu Imwe mwasungile umweo wakwe kunuma kulya, mu Kasaka ntobo, Mwe Lesa uwaluse, iseni kuli ena nomba, ilyo Mupashi wa Mushilo alesuba imitima yesu. Nalishiba ukweshiwa kwa kwa munyinanane. Mundapeni, Shikulu, nokumulenga ukuba nobumi ubusuma. . . ? . . .

Walikwata ukusanswa kwa mutima, walikwata ubulwele bwashuga; Ninjishiba ulecula, nangula, ico cili. . . ? . . .

Shifwe Uwa mu Myulu, uyu muntu ali. . . ? . . . ena alingile ukusanga Imwe nangu ukufwa. Ena alitemwa ukuya mucipatala. . . ? . . . Eleleni imembu shakwe nokundapa umubili wakwe mwi Shina lyakwa Yesu Kristu lekeni abe nomweo. Kabiye ku ng’anda, kabiye.

Cisuma, pano, imwe bonse musendeni uyu munyina ku ng’anda.

Lesu wesu Umusuma, mwi Shina lyakwa Yesu Kristu, amaboko yandi yali pali ena ilyo ukusubwa kwa Mupashi wa Mushilo kuli mupepi. Lekeneni abantu bacishibe. Lekeneni ondapwe.

Taata Lesu, ilyo Ndebika indupi shandi (indupi shandi, umubili wandi ushalinga, walikoweshiwa, ukonaika nobubi; lelo Mupashi wa Mushilo ali pali ine nomba), lekeneni amaka ayo ayengalingulula itontonkanyo kwa kusakama kwamutima pali uyu mwanakashi nokundapa umubili wakwe, mwi Shina lyakwa Yesu.

Lesu Watemwikwa, ukwishiba munyinane nemibele yakwe, ukwishiba ukuti uku kufilwa kwa kulanda . . . [Pali tepu tapali amashiwi—Kale.]


O mwe Lesu, pali uyu mulumendo, uulelwisha ubulwi ubusuma ubwacitetekelo, ukwiminina mu Kubapo kwakwa Yehova-Jire, i Lambo lyakwa Shikulu ilya pelwa, lekeneni amaka ayabushishe Yesu ukufuma ku nshishi, yamukumyefye nomba. Mupeni ukukabila kwa mutima wakwe, mwi Shina lyakwa Yesu Kristu. Amen.

²⁶³ Shikulu Yesu, pali nkashi yandi Nabika amaboko yandi. Mwi Shina lyakwa Yesu Kristu, lekeneni ayo amenso yalengwe ukuba bwino. Lekeneni ukucululuka kwakwe—kwakwe kufume mumubili wakwe, mwi Shina lyakwa Yesu Kristu. Amen.

²⁶⁴ Shifwe UIwa mu Myulu, pali Nkashi yandi umunono Kidd, Ndepepa ukutila Muli nokucimfya muli ena, nokumupela amaka yakwe munshita yakwe iyabukalamba nga filya Mwachitile kuli Naomi. Shikulu, lekeneni ena abe uwakubomfeshiwa ku bukata Bwenu. Cipeleni, Taata, mwi Shina lyakwa Yesu Kristu.

²⁶⁵ Nomba kuli Munyina Kidd, Shikulu, ilye mfwa yali mumine, lelo Umweo wali mubweshe. Lesu, Napepa ukutila Mwala musunga na maka. Ena alipita panshita yakwe iyapelwa. Lelo Imwe muli Lesu, kabili Muuli nokucitila ici ku bukata Bwenu nga fintu Mwandaile mucipatala. Nomba, mupeni amaka aya bunte. Lekeneni ubunte bwakwe bukalile monse mucalo ca Ohio, monse mwisonde. [Pali tepu tapali amashiwi—Kale.]

Ukuti Yesu alemposha nomba.

Nala Mucetekela pa Cebo Cakwe . . . 

60-1002 Kalubula Uwa Mulupwa
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org